

Meje Po Diboro Juan Tina Xua Yabara Tsiwanaya Tsita Itutatsi Pocotsiwa Exanaena Po Cae Pin Nacuathe

Meje yabara po diwesi pocotsiwan xua Jesucristo Paxa tsita itutatsi xua pocotsiwan xuya Juan tsita itutatsi

¹ Barapo diboroje xan Juan tinan. Pocotsiwan yabara tinan xua Nacom Jesucristo tsita itutatsi. Bara pocotsiwan Jesucristo xuya pijimonaetha tsiwanaeya tsita ituta pocotsiwan xua imoxoyo bara exanaenaba. Jesucristo pia matatsunpin inta itoroba xua xan Juan xuya tatsita itutsinexa daxita baxuan xua imoxoyo bara exanaenaba.

² Daxota xan xuya xainwaichiya yabara tinan daxita xua pocotsiwa tan. Matautano tinanno xua jume tan xua Nacom paeba irano xua Jesucristo paeba.

³ Pon xua yorobina jiwitha po diwese pomonaetha pomonae Nacom pejume cowantsiwichi tatsi, bapon juntu coyene weiweina exanaeinchi xua Nacom juntu coyene weiweina exanaena. Irano pomonae jume tane barapo diwese yawano xua exanano xua pepaebixae barapo diwese, barapomonae juntu coyene weiweina exanaeinchiru. Daxota barapomonae juntu coyene weiweina tsipei baxuan imoxoyo exanaenaba.

Meje yabara xua Juan tatina pomonae pejume cowhntsiwi, pomonae siete po matabuxhmonaebe, pomonae nacaetuta xua Nacom wnae pejainchinexatsi

⁴ Xan, Juan, pacata tinatsi pomonae painya nejume cowhntsiwi pam pomonae siete po matabuxhmonaebe pam xua painya nenacaetutsi jiwi pam, xua wnae painya nejainchinexa Nacom. Paxam pomonae Asia nacuatha pajinompame. Paca tsipaebatsi xua Nacom anoxuae popona yawa caena bayatha popona yawa bexa ataya poponaena. Pacata wucatsi Nacomtha xua painya nepaca juntu coyene weiweina exanaenexa tsane. Yawa pacata wucatsi xua Nacom paca yawenaena pia painya nepaca caantobexae. Yawa pacata wucatsi Nacom pia Pejumope tñaxh tatsi beya xua bapon baxuan pacata exanaena tsipei Nacom pia Pejumope tñaxh tatsi siete po pexeinya juntu coyenebe pexeinaein. Barapo Pejumope tñaxh Nacom peitabaratha tauncuatsi ichaxota Nacom eca pia pexeinya peecaethopaewatha.

⁵ Yawano pacata wucatsi Jesucristotha xua bapon baxuan pacata exanaena. Barapon Jesucristo ataya xaniwaicha pepaebin. Bapon copiya equeicha asu naexana. Bapon asu canamata canaexana jiwi petupae coyene weya. Yawa bapon itoroba pomonaetha pomonae itorobiya pepa peewatsiwi ichamonae po cae pin nacuathe. Cristo naca antobe daxota naca tsitupa naetotha wanaca juntu coyene juntemainaenexa abe waexanae cuiru coyenewan.

⁶ Matautano Jesucristo naca exana xua pia-

monae tatsichi. Yawano sacerdotemonae naca cana exana watanacuichinexa tsainchi Nacom, pon Jesucristo Paxa tatsi. ¡Barabꝰ Nacom ataya xeinaena xua pexeinya jꝰntꝰ coyene xua peainya cui coyenewa! ¡Yawano barabꝰ Nacom ataya xeinaena xua pia peayapusꝰ itorobi coyenewa! Je, bara ichi tsane.

⁷ ¡Matha pataema!

Cristo patopeicaena tsaquinaebowatha.

Daxita jiwi taena bapon

xua bapon taeinchi.

Irꝰrꝰ pomonae bapon cobe matatabarutatsi

naetotha bapon taeinchi.

Daxita nacuanpiwi, pomonae bapon jopa jume

cowꝰntichi, daxita barapomonae jꝰntꝰ coyene

wecoyei tsane poxonae bapon taeinchi.

Je bara ichi tsane.

⁸ Nacom jeye: “Xan ponxaein apara ataya tsitecaeya tapoponaein xua poxonae aena daxita tamropata pitaban. Mataꝰtano bexano daxita coyenein wetsin tsipei ataya tsitecaeya bara tapoponaewa tsane”, jei Nacom pon jiwi Pecanamataxeinaein, pon itoroba pia peayapusꝰ itorobi coyenewatha daxita nacuanmonae jiwitha. Bapon Nacom anoxuae popona, caena bayatha popona, yawa bexa tsane ataya poponaena.

Mejeyabara poxonae Cristo pia peitꝰpanae tsita itꝰtsi coyenewatha tatsi Juan tsita itꝰtatsi

⁹ Xan Juan ponxaein be pon painya eweicho nanatsicotan Jesús pijimonaexaetsi. Icha jiwi paca ichi xua paca anthꝰthꝰrewe exana xua

poxonae jopa xapain pacata exanaeyo, anoxuae bara neichi. Jiwi anthuthurewe neexana tsipei waxainchi Nacom piamonaetsi jiwanatsi pomonae Nacom itorobiya ewata. Tsipei Jesucristo paca yawena daxota cataunxuae pajume cowanta dubenanaebiyame Nacom, iru xandu barichin. Jiwi pecubi botha Patmos tunaetotha neeta tapaebixae Nacom Pejume Diwesi yawano Jesús pejume diwesino tapaebixae.

¹⁰ Caentaqueitha, po mataqueitha peseicae mataqueitha bichocono Nacom pia Pejumope tuxu tatsi nejantu coyene yuca exana. Tama werena jume tan pejume xua bichocono jume daunweya ajumetsaca be poxonae icha xua oba po peobiwa pewun trompeta.

¹¹ Nejei xua netsipaeba: “Xam yabara tinare diborotha daxita xua taneme. Barapo diboro bapoxonae caitorobare pomonaetha pomonae tana nejume cowantsiwitha pomonae siete po matabuxumonaebe pomonae nacaetuta xua Nacom wuna pejainchinexatsi. Barapomonae jinompa Asia nacuatha. Barapo siete po matabuxumonaebe nacaetuta barompaya pia tomarantha tsiniya. Barapomonae meje: Efeso tomarapiwi, iru Esmirna tomarapiwi, iru Pérgamo tomarapiwi, iru Tiatira tomarapiwi, iru Sardis tomarapiwi, iru Filadelfia tomarapiwi, iru Laodicea tomarapiwi”, nejei Jesucristo.

¹² Bapoxonae napatomeicha necotaban tayaputaenexa pon xua netsipaeba. Poxonae necoyan bapoxonae tan siete xoyobe penainwan xua po nain pewun oro nain xua pentatutuntha itanacanoba.

13 Barapo siete xoyobe xua ichaxota pentatuntha itanacanoba baxoyo pia xainya deca pon be pebin taenotan. Pon uncua apara ponxae itaboco wetsica pona, pon Nacom itapeta. Bapon naxatata paparuwa, po paparuwa apiya deca bichocono yawa taxu jayarecatsi. Yawa naepa cūta paparuwa po paparuwa bichocono pereca yawa jūntacari jayatsinatsi yawa bichocono daedaena icha be oro nain ichi.

14 Pentanan tatsi bichocono inyapana icha be papu ichi, yawa icha be main axuto ichi. Yawano peitamaiqueitobe be isoto itareto.

15 Petaxu bichocono taxu daedaena icha be bronze nainto ichi xua bichocono nain daedaena poxonae cataunxuae isototha nain boquiya. Pejume bichocono ajumetsa be poxonae xua ainya menein busin.

16 Pemaxu coxa iya xeina siete po opiteitobe. Yawa pecoiboto tsina pichapeina cusi xua nantiya baru ducuabe. Peitabara bichocono daedaena icha be poxonae xometo ichi poxonae xua pentha xua poxonae atsa.

17 Poxonae bapon Jesucristo tan, imoxoyo iratha nabotaban bapon peitabaratha. Bara be tatupaeyo nabotaban. Bapoxonae bapon pecobetha nejayaba po cobe pecoxa weya. Yawa Jesucristo nejei: “Jopa junuwinde. Xan ponxaein xua daxita taforotsin xua poxonae aena. Yawano xan ponxaein xua tawetsin tsane daxita xua bexa tsane.

18 Xan ponxaein xua copiya bayatha tapoponaein. Bequein bayatha tapan ichitha equeicha anoxuae asu poponan xua ataya petsitecaenexa. Nacom necata taitorobi coyenewa xua petupaewi

taitorobeibinexa petupae coyene nacua beya.

¹⁹ Daxota yabara tinare xuaunxuae pocotsiwa taneme. Yawano yabara tinare xua aunxuae taeponaename.

²⁰ Barapo siete opiteitobe xua taneme tacobe coxa weya yabara caunutatsi xua pomonae Nacom Pejume Diwesi pepaebiwī, pomonae Nacom pejume cowantsiwichi pecanamataxeinaewichi. Yawa barapo siete xoyobe xua pentatutuntha itanacanoba xua baxoyo pia xainya deca uncuan baxua yabara caunutatsi pomonae siete po tomarabe matabuxu jiwi, pomonae Nacom pejume cowantsiwichi”, jei Jesucristo pon xua uncua.

2

Meje yabara xua po diwesi Juan tatina Efeso tomarapiwi

¹ Jesucristo, pon xua uncua nejei: “Tatinare pon Nacom Pejume Diwesi pepaebin pomonaetha tana nejume cowantsiwi pomonae Efeso tomaramonae xua bapon petayorobinexa xua barapomonae petayorobinexatsi. Jande: ‘Meje xua paeba pon pecobe coxa weya tatsi siete po opiteitobe tauncuatsi xuano xua uncua siete xoyobe pia xainya deca xua ichaxota pentatutuntha itanacanoba.

² Bapon jeye: Yaputan xua painta exaname po penacuichiwa xua daunwei xua jopa pabarapentsim. Yawano paca cui yaputainchi xua paaichaxaibim xua exana pomonae peajuntucoyenebewi. Yawano bara yaputan xua jopa paca itata cui xainyei tsaibiyo poxonae

xua ichamonaē atsaquiya paca jei: Paxan Jesús pia peitorobiwi tatsi pan, jei. Bara paxam payaputaneme xua barapomonaē pemuxuitorobiwi.

³ Beta pana najuntũ wũnaetame. Mataũta jopa paacoyenefaetabim, bequein ichamonaē bichocono abe paca exana painya inta nacuichix-aem.

⁴ Ichitha paca cui yaputainchi xua cae coyene paexaname xua po coyene aichaxaibin. Anoxuae be conotha pana neantobem. Jopa be ichiyo poxonaē copiya matha pana neantobem nawita.

⁵ Payabara nanta xeinare xua poxonaē copiya pana nejume cowũntame xua poxonaē bichocono pana neantobem. Icha jũntũ coyene paxeinare. Painta exanare icha paichim xua poxonaē matha copiya beta painta exaname. Icha jopa pana neantobem tsane, nainya patopaein, yawa pichin painyawa xua pocotsiwa ichaxota pentatutuntha paitanacanobame, xua pichin painya tomara weya. Aparã xua jan, daxita painya nenacaetutsi jiwi pam pana nenepentaponaename xua pata tana nejume cowũntsiwam xua daxota jopa pana nejume cowũntsim tsane jan.

⁶ Daichitha cae coyenewa ichichipan xua paexaname. Jũntũ coyene weiweinã tsipei pananta xeiname icha ichin xua pocotsiwa nanta xeinã. Paxam paaichaxaibim pocotsiwa nicolaitamonaē xua exana, pomonaē bichocono abe peexanaewi. Xan irũrũ aichaxaibin xua pocotsiwa exana barapomonaē.

⁷ Paxam pomonaē painya nejume cowũntsi jiwi pam. Icha pamuxu dubename, pajume naitae-

ware xua pocotsiwa Nacom pia Pejumope t̃nax̃ tatsi paca tsipaeba. Bapon jeye: Pomonaē xua Jesucristo jume cow̃nta dubenanaebiyaeinchi beya xua yacuiya werapaeya othopaena barapomonaē catsin Nacom pia peitorobi nacua beicha peaj̃nt̃yap̃us̃wa, po peaj̃nt̃yap̃us̃wa xua jopa weraweracaeyo, jei Nacom pia Pejumope t̃nax̃ tatsi, jei Nacom Pexanto', jande", ne-jei Jesucristo pon xua uncua barapo siete xoyobe xua pentatutuntha itanacanoba xua baxoyo pia xainya deca tatsi.

Meje yabara po diwesi Juan tatina Esmirna tomarapiwi

⁸ Pon Jesucristo xua uncua equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cow̃ntsiwi pomonaē Esmirna tomaramonaē, xua bapon petayorobinexa xua barapomonaē petayorobinexatsi. Jande: 'Meje xua paeba pon xua daxita forota poxonaē aena. Yawano bapon daxita wetsina xua bexa tsane. Bequein bapon bayatha t̃pa ichitha equeicha as̃ popona xua ataya tsitecaeya tsane.

⁹ Bapon jeye: Yaputan daxita xua pocotsiwan paexaname. Bara paca tainchi xua paanth̃th̃tanem poxonaē xua ichamonae pacata abe exana. Bequein paca tainchi xua paacopeibim ichitha apara bara paxeinaename pocotsiwa bexa Nacom paca catsibina. Daxota paxam be copei pexeinaē jiwī pam. Yaputan pomonaē atsaquiya najei: Paxan judiomonaē pan, jei. Barapomonaē abe paca yabara paeba.

Daichitha barapomonaе ⁊ caurimonaе pia pentacoponaein tatsi bapon piamonaе tatsi.

¹⁰ Jopa pajunuwinde xua pocotsiwa ichamonae paca anthuthutane exanaena xua tsipei pacata abe exanaena. Caurimonaе pia pentacoponaein tatsi itorobina ichantha xua piraichi paca jiwana capanaena jiwi pecabi bo beya xua daxota daxita paxam painya nenacui barapentsiwa tsane xua painya nejume cowantsiwa Nacom. Paxam paanthutanem tsane diez po matacabibe. Daichitha pana najuntu coyene daunweya wnaere beya poxonae payacuiya werapaeya othopaename. Bapoxonae paxam paca catsibinchi xua be pentoma xua peantayarusawa po peantayarusawa xua jopa weraweracaeyo.

¹¹ Paxam pomonaе painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tanaxu tatsi paca tsipaeba. Bapon jeye: Pomonaе xua Jesucristo jume cowanta dubenanaebiyaeinchi beya xua yacui werapaeya othopaena, Nacom jopa copatsi tsane xua barapomonaе equeicha jopa ateneya werapae tsane, jei Nacom pia Pejumope tanaxu tatsi, jei Nacom Pexanto', jande", neji Jesucristo pon xua uncuа.

Meje yabara xua po diwesi Juan tatina Pérgamo tomarapiwi

¹² Pon Jesucristo xua uncuа equeicha neji: “Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonaе Pérgamo tomaramonaе xua barapon

petayorobinexa xua barapomonae peyorobinexatsi. Jande: 'Meje xua paeba pon pecoiboto tsina tapichapeinatsi cusi po wato nantiya baru ducuabe.

¹³ Bapon jeye: Bara yaputan xua daxita paexaname. Yawano yaputan xua painompame ichaxota caurimonae pia pentacaponaein tatsi itorobeiba xua barapo tomarapiwi itorobeibatsi. Daichitha awiya pana nejume cowanta dubenanaebiyame. Jopa pabarapentsinde xua pata tana nejume cowantsiwam. Antipas bichocono nejume cowanta. Bequein bapon bexotsi painya xantha, daichitha awiya pana nejume cowanta dubenanaebiyame. Pomonae barapo tomaratha jinompa pomonae xua caurimonae pia pentacaponaein tatsi itorobeiba barapomonae Antipas bexotsi.

¹⁴ Daichitha paca cui yaputainchi xua icha coyenein paexaname, po coyenein xua jopa ichichipaeinyo. Paxeiname Pérgamo tomaratha pomonae xua painyamonae jiwana, pomonae barichi xua abe exana xua daxota jopa ichichipaeyo xua pepentsiwa xua pecuidubiwa pocotsiwa Balaam pia pecuidubi coyenewa tatsi. Bapon Balaam cuiduba, Balac cuidubatsi xua xuya Balac pecuidubinexa xua israelmonae pecuidubinexatsi xua israelmonae abe peexanaenexa. Po peabe coyene Balac cuiduba xua pinae israelmonae itacupatsi xua xane duwein po duwein poxonae bexuba ibo nacom nexa. Yawano Balac cuiduba xua pinae barapo israelmonae jopa abe exanaeyo poxonae nata siwa xeina dubenanaebiya yabaxi.

15 Barichi pomonae painyamonaē jiwana pomonae abe exana, barapomonaē ichichipa po pecuidubiwa pocotsiwa nicolaitamonaē pia pecuidubi coyenewa tatsi. Barapo nicolaitamonaē pia pecuidubi coyenewa tatsi bichocono aichaxaibin.

16 Daxota icha jũntũ coyene paxeinare. Icha jopa icha jũntũ coyene paxeinaem, nainya jemeicha baxota patopaein yawa paca beinchi cusitha, po watotha xua tacoiboto pichapeina.

17 Paxam pomonaē painya nejume cowũntsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tũnaxũ tatsi paca tsipaeba. Bapon jeye: Pomonaē xua Jesucristo jume cowũnta dubenanaebiyaeinchi beya xua yacui werapaeya othopaena, barapomonaē catsin po pexaewa pewũn maná, po pexaewa namicha boca xua ichamonaē jopa yabara yaputaeyo. Yawa barapomonaē catsin iboto, po iboto inyapana, barapo ibototha tinaena pena wũn xua ichamonaē jopa wũn taeyo. Saya meisa wũn yaputaena pon xua catsin barapo iboto, jei Nacom pia Pejumope tũnaxũ tatsi, jei Nacom Pexanto', jande", nejei Jesús pon xua uncua.

Meje yabara po diwesi Juan tatina Tiatira tomarapiwi

18 Jesucristo pon uncua equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cowũntsiwi pomonaē Tiatira tomaramonaē xua bapon petayorobinexa xua barapomonaē petayorobinexatsi. Jande: 'Meje xua paeba

Nacom Pexanto tatsi, pon peitamaiqueitobetha be isoto itareto tarucuatsi. Yawano bapon bichocono taxu daedaena be penainto, pocotsi nainto pewan bronze.

¹⁹ Bapon jeye: Yaputan daxita xua po coyene paexaname, yawano yaputan xua paxam pana neantobem. Yawano yaputan pocotsiwa painya tana nejume cowantsiwam. Yawano yaputan xua pocotsiwa payawenae ichamona. Yawano yaputan xua saya beitatemaya jantema painom-pame poxonae bequein ichamona pacata abe exana. Yawano yaputan xua anoxuae nawita paexanapona beyacaincha xua poxonae copiya paexaname.

²⁰ Daichitha paca cui yaputainchi xua pocotsiwa paexaname xua pocotsiwa aichaxaibin, xua jopa paitawetsim powa pewan Jezabel. Powa jei: Nacom nexa tapaebiwayon, jei. Daichitha tana nejume cowantsi jiwi muxuitorobatsi. Barapowa Jezabel tamona cuidubatsi xua bara nata siwa xeineibina yabuxi. Yawa bapowa cuidubano po coyene aichaxaibin xua tamona jain itorobatsi xua tamona xaena duwein, po duwein poxonae bexuba ibo nacom nexa. Barapo duwein jiwi cata ibo nacomtha poxonae wanae jainta pia ibo nacom.

²¹ Caena bayatha ewatan xua bapowa icha juntu coyene pexeinaenexa, ichitha bapowa baxua jopa beexanaeyo. Bapowa jopa juniya exanaeyo xua abe exanaponeiba.

²² Xan exanaein xua nainya bapowa atene tsanaya tsane, xua camatha peboacaenexa, abe peexanaexae. Iruru pomona xua bapowa abe nanabaruru exainchi barapomona atene tsane ex-

anaein xua icha barapomonae jopa nacui barapentsi tsane pocotsiwa bapowa cuiduba.

²³ Yawano bapowa pia pexui tatsi tajutebin. Bapoxonae daxita pomonae Nacom pejume cowantsiwichi neyaputaena po coyene xua xan deta cou jiwí tanthuthu yaputaein daxita xua poxonae exaneiba yawa daxita poxonae xua nanta xeineiba. Bapoxonae daxita paxam barompaya paca catsibinchi be xua pentoma. Pomonae xua xanepanaya paexaname, xua wuna paca catsibinchi. Pomonae xua abe paexaname, xua peatenewa paca catsibinchi.

²⁴ Paca tsipaebatsi daxita pam pomonae Tiatira tomarapiwi jiwana pam, xua pomonae jopa paexanaem pocotsiwa xua Jezabel paca cuiduba, saya ichamonae paxam jiwana pam, baxua exana. Paca tsipaebatsi pomonae pam pomonae jopa pananabarhu nacuidubim pocotsiwa caurimonae pia pentacaponaein tatsi pia coyenewan tatsi. Tsipei jopa paexanaem barapo coyenewa daxota jopa paca itorobi tsainchi icha coyene xua painya neexanaewa tsane, po coyene bichocono ayapube.

²⁵ Daichitha awiya pana nejume cowanta dubenanaebiyama beya poxonae equeicha patopeicaein.

²⁶ Awiya pajume cowanta dubenanaebiyama Nacom painya amanayabinexa tsane caurimonae. Yawa awiya paexana dubenanaebiyama pocotsiwa xua xan ichichipan xua beya payacui werapaeya othopaename. Pomonae baxua exanaena, barapomonae catsin taayapusu itorobi coyenewa xua peitorobeibinexa tsane po cae pin

nacuathepiwi.

²⁷ Paca catsibinchi taitorobi coyenewa icha Taxa neichi xua necata pia peitorobi coyenewa. Icha pebin ichi xua poxonae barapon daunweya wacataxuba juruwato penaintotha xua peexanaenexa pepɛrɛwixi, bara jɛta ichi tsane pomonae nejume cowɛnta. Barapomonae daunweya itorobina barapo cae pin nacuathepiwi beya poxonae daxita weraweracaena abe peexanaexae.

²⁸ Bapoxonae yawa paca catsibinchi po coyene xua tapaca barɛ poponaewatsi. Barapo coyene bichocono wɛnae tsane, icha jarawato ichi xua jiwi bichocono tsita wɛnaetsi pota mataquei pewɛnaeya ecoina.

²⁹ Paxam pomonae painya nejume cowɛntsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tɛnaxɛ tatsi paca tsipaeba, jei Nacom Pexanto', jande", nejei Jesús, pon xua uncu.

3

Meje yabara po diwesi Juan tatina Sardis tomarapiwi

¹ Jesucristo, pon xua uncu siete xoyobe pia xainya deca xua ichaxota pentatutuntha itanacanoba, equeicha nejei: “Barichinde tatinare pon Nacom Pejume Diwesi pepaebin pomonaetha tana nejume cowɛntsiwi pomonae Sardis tomaramonae xua bapon petayorobinexa xua barapomonae petayorobinexa. Jande: ‘Meje xua paeba Jesucristo pon xua xeina siete po

pexeinya jũntũ coyenebe, po coyenebe xua Nacom pia Pejumope tũnaxũ tatsi Jesucristo catatsi. Yawa bapon xeina siete po opiteitobe pecobe weya, po cobe pecoxa weya. Bapon jeye: Yaputan daxita xua paxam paexaname. Bequein jiwi paca yabara nanta xeina xua paxam painta beta exaname, daichitha apara jopa painta beta exanaem. Daxota paxam netsita be pomonae pewerapae jiwi pam.

² Pana najũntũ coyene tsacabare. Payawende pomonae tana nejume cowũntsiwi xua pejũntũ coyene wũnae nexa, tsipei barapomonae be pewerapaewi pejũntũ coyene natsepaexae. Paca tainchi xua pocotsiwa paexaname. Baxua jopa Nacom tsita wũnaetsi.

³ Daxota pananta xeinare xua pocotsiwa bayatha paca cuiduba. Bapoxonae bapocotsiwa paexande yawano bapoxonae icha jũntũ coyene paxeinare Nacomtha xua equeicha caewa painya nejume cowũntsiwa tsane. Icha jopa baxua paexanaem tsane, bapoxonae nainya jemeicha patopaein paxamtha poxonae jopa payaputaem xua patopaein. Exanaein icha be pocotsin pon pecaibin ichi xua jemeicha patopa.

⁴ Daichitha paxeiname barapo tomaratha, Sardis tomaratha, pomonae tana nejume cowũntsiwi. Barapomonae penthũthũ xeicae jiwi. Jopa xeinaeyo po coyene xua peajũntũcoyenebewa tsipei jopa abe exanaeyo. Barapomonae nebarũ jinompaena. Yawa nama xatabina paparuwan, po paparuwan inyapana tsipei barapomonae exana dubenanaebiya pocotsiwa xua itoroban.

⁵ Pomonae xua nejume cowanta dubenanae-biyaena xua beya yacui werapaeya othopaena barapomonae nama xatabina po paparuwan in-yapana. Yawa pomonae wun dubena Nacom pia diborotha xua pomonae ataya pejinompaenexa tsane xua jopa weraweracaeyo, barapomonae jopa wun iquicaein tsane. Yawano wun yaputane exanaein Taxa Nacomtha yawano Nacom pia matatsunpiwi tatsi peitabarathano.

⁶ Paxam pomonae painya nejume cowantsi jiwi pam. Icha pamuxu dubename, moya pajume naitaware xua pocotsiwa Nacom pia Pejumope tñaxu tatsi paca tsipaeba, jei Nacom Pexanto', jande", nejei Jesús pon xua uncua.

Meje yabara po diwesi Juan tatina Filadelfia tomarapiwi

⁷ Equeicha Jesucristo pon xua uncua nejei: "Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonae Filadelfia tomarapiwi xua bapon petayorobinexa xua barapomonae petayorobinexatsi. Jande: 'Nacom Pexanto tatsi, bapon bichocono pejuntu coyene xanepanaein Nacomtha xua jopa penatsicuentsiwa Nacomtha xua abe peexanaexae. Yawa bapon bara xaniwaicha pepaebin. Yawa bapon pon naca yawena xua patinchi Nacom pia peitorobi nacua beicha. Bapon naca yawenaena icha matha pon peboupa peewatsin ichi xua poxonae David yawenatsi. Bapon pon peboupa peewatsin David taewatatsi pia pexeinya peecaethopeibi bo tatsi. Bapon David pon caena bayatha Israel

nacuamonaē itorobiya pia pepa peewatsinchi. Bapon pon peboupa peewatsin pia peitorobi coyenewa xeina xua poxonaē bapon peboupa saranaxuba ichan jopa itacupaetsi xua peboupa xatataba. Yawa poxonaē bapon peboupa xatataba ichan jopa itacupaetsi xua saranaxuba. Icha bapon ichi, barichi Nacom Pexanto tatsi pia peitorobi coyenewa xeina. Bapon copata xua pijimonaē tatsi patsina Nacom pia nacua beicha. Yawano jopa copatsiyo xua ichamonaē patsina Nacom pia nacua tatsi beicha. Ichan jopa itacupaetsi xua ichawa paeba Nacom Pexanto tatsi beya. Anoxuae nama Nacom Pexanto paca tsipaeba, jeye:

⁸ Yaputan xua daxita paexaname. Xan copatan xua tajume diwesi pacaponame ichamonaetha. Ichan jopa itacupaetsi xua paca jume itaweta xua daxota jopa painya necaponaewa barapo diwesi. Bequein saya tsiwiyo paaɣuntɣcuicoyenesam, dai-chitha awiya tajume diwesi pacueicueijam yawa jopa pana nepentsim xua painya tana nejume cowantsiwam.

⁹ Ichitha pomonaē naerabiya jei: Paxan, judiomonaē pan, jei, barapomonaē, Satanás, caurimonaē pia pentacaponaēin tatsi bapon piamonaē tatsi tsipei jopa benejume cowantsiyo. Xan exanaēin xua barapomonaē patsina paxamtha pentabocototha peumenaenexa tsane painya itabaratha wɣnaē painya nepaca jainchinexa tsane. Bapoxonaē barapomonaē yaputaena xua xan tapaca caantobewichi pam.

¹⁰ Pajume cowantsiya exana dubenanaebiyama po coyene xua paca itorobatsi xua beitatemaya

painompame xua jopa painya neaitaconaewa poxonae bequein ichamonae paca yabara abe exana. Daxota barapo matacabi, po mataqueitha poxonae caurimonae pia pentacaponaein tatsi daxita barapo cae pin nacuathe jiwi jũntũ coyene jũjũtinchi, poxonae jiwi bichocono atene exanaeinchi bara paca capanenebiya exanaeinchi. Caurimonae pia pentacaponaein tatsi jũntũ coyene jũjũtsina pomonaetha pomonae Nacom pejume cowũntsiwichi poxonae bichocono atene exanaeinchi xua daxota Nacom jopa pejume cowũntsiwa tsainchi.

¹¹ Imoxoyo patopeicaein. Xaniwaicha beta paxeinare pocotsiwa xua tapananejume cowũntsiwam xua bexa Nacom paca catsina pocotsiwa paca jũntana jeba pia nacuatheicha beta painya tana nejume cowũnta dubenanaebiyaexaemxae. Jopa pacopatsinde xua ichũn paca exanaena xua abe painya neexanaewa tsane xua daxota jopa painya nexainaewa tsane pocotsiwa paca jũntana jeba pia nacuatheicha.

¹² Pomonae xua nejume cowũnta dubenanaebiyaena barapomonae bichocono jũntũ coyene ayapusũya daunweya exanaein xua pepatsinexa tsane Nacom pia nacua beicha. Baroxonae bapana jopa ponae tsane Nacom pia nacua weya. Baroxonae barapomonaetha catsin po wũn Taxa Nacom pewũn, xua jiwi peyaputaenexa xua barapomonae apara Nacom piamonae tatsi. Yawa catsin po wũn pena Jerusalén tomara pewũn, po tomara Nacom pia tomara tatsi ichaxota jinompa pomonae peantobewichi Nacom. Barapo

Jerusalén tomara itaboco wetsica pona ichaxote-icha xua Tanacom popona. Yawano catsin barapomonaetha taw_{un}, po w_{un} pena w_{un}.

¹³ Paxam pomonae painya nejume cow_{unt}si jiwi pam. Icha pamuxu dubename, moya pajume naitaeware xua pocotsiwa Nacom pia Pejumope t_{unaxu} tatsi paca tsipaeba, jei Nacom Pexanto', jande", nejei Jesús pon xua uncua.

Meje yabara po diwesi Juan tatina Laodicea tomarapiwi

¹⁴ Jesucristo, pon xua uncua siete xoyobe pia xainya deca xua ichaxota pentatutuntha itanacanoba, equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cow_{unt}siwi, pomonae Laodicea tomarapiwi xua bapon petayorobinexa xua barapomonae petayorobinexa. Jande: 'Meje xua paeba pon xaniwaicha pepaebin pon xua xaniwaicha beta naca yabara caunutsiya paeba Nacomtha. Pon xua caena bayatha daxita forota.

¹⁵⁻¹⁶ Yaputan daxita pocotsiwa paxam paexaname. Paxam paca tsipaebatsi xua be paichimje: Ichamonae ba aichaxaibi xua apa poxonae po mera mene t_{una} xuano xua poxonae aque aibi yawa poxonae atou aibi. Bapoxonae mene sutabina. Paxam be barapocotsi mera pana nacayabara tsicotaneme. Paxam conotha pana nejume cow_{unt}tame. Jopa panepentsim xua pata tana nejume cow_{unt}siwam. Mata_{utano} jopa bi-chocono paichichipaem xua painya neexanaewa pocotsiwa paca itorobatsi. Daxota anaya paca xubinchi tsipei conotha pana nejume cow_{unt}tame

icha xua pebin ichi xua anaya mene sutabina tsipei mene tana.

17 Payabara paebame po coyene xua copei painya nexainaewi pam. Yawa payabara paebame po coyene xua painya coutha pana nayaweneibame xua jopa pacata acoibi tsaibiyo xua pocotsiwan panantawenoname. Ichitha jopa payaputaebenaem xua pocotsiwa paca yabara nanta xeinatsi xua pebiwi tsobenaem, paca yabara jeichi. Matautano jopa payaputaem xua paxam be pomonae peacopeibiwi pana natsicotaneme. Yawano be pomonae peitata nacutsi jiwi pana natsicotaneme. Yawano be pomonae tamasaina pana natsicotaneme. Aparaxua jan: Paxam be barapomonae pam tsipei jopa beta painya juntu coyenewatha pana nejume cowantsim. Yawa jopa beta painta nacuichim, jan.

18 Daxota paca tsipaebatsi. Pana necomocare po penainwan pewan oro nain po nain xua daunwei xua poxoru isototha pesetsixae xua pexubinexa pocotsiwa abe. Bapoxonae xaniwaicha bara copei painya nexainaewi pam tsane. Yawano pana necomocare po paparuwan inyapana tha tapaca cajuma xatabinexa tsane, tha tapaca cajuma acabinexatsi xua pajumasainame xua painya neauraxae. Matautano pana necomocare pewawa tabotsinexa painya itamaiqueitha bapoxonae beta pataename. Aparaxua jan: Pana newucare xua poxonae po coyene xua beta paca juntu coyene exanaeinchi xua jopa painya nexainaewam tsane painya juntu coyeneintha, pocotsiwa xua abe, jan.

19 Pomonae xua antobein cui itawetan xua

abe exana. Equeicha cuiduban xua jopa peex-
anaenexa baxuan. Yawano bichocono pana ne-
jume cowande yawano icha junte coyene pax-
einare.

²⁰ Pataema bo coibototha uncuan yawa wawan.
Icha pebin nejume tane yawa inta coibo sarana
xorena bara joniyan yawa bara pana naba
xanbe pia bothaxae.

²¹ Taxa jume cowanta ducuaenaebiyen xua
neitoroba beya xua poxona bayatha tapan.
Daxota Taxa necopata xua taecaenexa imoxoyo
ichaxota Taxa pia pexeinya peecaethopeibiwa
tatsi tauncuatsi. Icha Taxa neichi baxua,
barichin tsane pomonaetha pomonae tana
nejume cowantsiwi. Pomonae nejume cowanta
dubenanaebiyaena xua itoroban, xua beya yacui
werapaeya othopaena, barapomonae copatsin
xua peenaenexa ichaxota imoxoyo pexeinya
taequeibithopeibiwa inta uncua.

²² Paxam pomonae painya nejume cowantsi
jiwi pam. Icha pamuxu dubename, moya pajume
naitaware xua pocotsiwa Nacom pia Pejumope
tanax tatsi paca tsipaeba, jei Nacom Pexanto',
jande", nejei Jesús pon xua uncua.

4

*Meje yabara po diwesi xua xuan Juan tsita
naitatsi peitabocotha*

¹ Poxonae baxua weta, tan peitabocotha be bo
boupa xua boupa yeyetanota. Yawano jume tan
pejume, po jume xua copiya jume tan, po jume
xua bichocono jume daunweya ajumetsaca be
poxonae xua oba po peobiwa pewan trompeta.

Bapon Jesús nejei: “Anetha tsinande taxainya betsina. Catsita itútsinchi xua pocotsiwa bexa tsane exanaena”, nejei Jesús.

² Bapoxonae nama bichocono Nacom pia Pejumope тnaxн tatsi nejuntн yнca exana. Peitabocotha tan xua ducua pocotsiwa pexeinya peenaethopeibiwa, yawano tan pon xua equiya baxota.

³ Pon xua equiya baxoteicha bichocono itabara daedaena icha iboto ichi pocotsi iboto xua bichocono daedaena pocotsi iboto xua bichocono ainya matoma, po iboto pewн jaspe, yawa be pocotsi iboto pewн cornalina. Yawano matawacaicha matatsun uncueicatsi coinwawa. Barapo coinwawa bichocono sujeya pentha exana icha iboto ichi pocotsi iboto pewн esmeralda.

⁴ Barapo pexeinya peecaethopeibiwa pia matawacaicha tatsi, tan icha peenaethopeibiwan veinticuatro po peenaethopeibiwan xoyobe. Barapo peenaethopeibiwantha ena pitiri jiwi xua matauta veinticuatro poyobe. Yawano barapo pitiri jiwi nama xataba paparuwan, po paparuwan inyapana yawano nanta xataba pocotsiwa be tepa xua penainwan, po penainwan pewн oro nain.

⁵ Barapo pexeinya peecaethopeibiwa weya be yamн busi xua jurujurei. Yawano jerajerei. Yawano barapo peecaethopeibiwa peitabaratha tatsi umena pecoicha be xua pocotsiwa banaxu. Barapo siete banaxutobe coichabe yabara caunuta xua Nacom pia Pejumope тnaxн tatsi xeina siete po pexeinya juntн coyenebe.

⁶ Barapo peecaethopeibiwa peitabaratha ducua

xua pocotsiwa pentha pocotsiwa icha pin mene mar ichi xua mene itarana yawa icha bosib_u mux-upawa ichi xua penthiya.

Barapo peecaethopeibiwa baxota imoxoyo umena cuatro poyobe pocotsiwa xua as_u. Barapo cuatro poyobe nantiyan itamaiquei dubena peitabara weyano yawa pe_uma werenano.

⁷ Barapo cuatro poyobe jiwana xua xuan as_u, pon copiya be ne_uth_u itabara, ir_u ich_un be vaca pebto itabara, ir_u ich_un be jiton itabara, ir_u ich_un be cotsara itabara, pon pepupunaein.

⁸ Barapo cuatro poyobe daxita barompaya xeina seis po cuarafeinbe. Mata_utano barompaya ainya itamaiquei xeina daxita matapaeicha pepontha yawano matha iya itamaiquei dubeinya. Mataqueitha, merawithano jopa cuinaya najume copababiyo xua cueicueijei Nacomtha pon xua eca barapo pia peecaethopeiwatha, jeye:

“¡Xam pon bichocono nej_unt_u coyene xanepanaem,

xua bapana jopa nexeinaewa abe peexanaewa!

¡Xam pon jiwi Necanamataxeinaem!

¡Xam Nacom, pon neayapus_u itorobi coyenewa xeiname!

¡Xam pon caena bayatha poponeibame xuano

xua anoxuae poponeibame xuano xua bexa

ataya tsitecaeya poponaename!”

jei barapo cuatro poyobe poxonae cueicueijei Nacomtha.

⁹ Pon xua pexeinya pia peecaethopeiwatha eca, pon xua ataya popona, bapon w_unae jaintatsi, barapo cuatro poyobe w_unae jainta. Baxua exana

tsipei bapon pexeinya jantũ coyene pexeinaein, matautano tsipei bapon ainya cui coyenewan peexanaein. Matautano bapon jeichichi: “Maisa pajantũ coyene weiweinan pocotsiwan pata tana necatsixaemxae”, jeichichi bapon.

¹⁰ Poxonae barapo cuatro poyobe wũnae jainta, baroxonaerũ pitiri jiwi xua veinticuatro poyobe xua barompaya pia peenaethopeibiwatha ena, barapomonaerũ irũ pentabocototha umena xua wũnae pejainchinexatsi pon ataya pepoponeibin. Yawa barapo veinticuatro poyobe nanta tepa wejonapenta. Bapoxonae jeba pon ataya pepoponein peitabaratha tatsi. Bapoxonae jeye:

¹¹ “Pata Tanecanamataxeinaem, yawano xam pata Nacom.

Maisa wũnae xua paexana dubenanaebiyen ichamonaetha pata yabara cueicueijeinexa jinya pexeinya jantũ coyene yawa jinya pexeinya ainya cui coyenewan, yawano jinya neayapusũ itorobi coyenewa.

Baxuan paexanan tsipei xam daxita forotame. Tsipei xam neichichipaexae daxota baxuan forotame”, jei barapo pitiri jiwi.

5

Meje yabara po diwesi xua poxonae Juan tane Nacom pia diboro

¹ Bapoxonae tan diboro pecobe weya, po cobe pecoxa weya xua pon xua eca peecaethopeibiwatha. Barapo diboro quiyontsiya matũba yawano barapo diboro nantiyabe muxunene tina yawa catsababa siete xoyobe xua pocotsiwa pecatsababiwa.

² Yawano tan matatsunpin pon peitorobi coyenewa xeina. Yawano jume daunweya yainyaba jeye: “¿Jintam Nacom tsitatsi pon pejunt_u coyene xanepanaein pontha pon xua Nacom daxota copatsina xua barapo pecatsatabiwa petsitsinaxubiwa tsane xua pepataxubiwa tsane barapo diboro?” jei bapon.

³ Ichitha dapocotsin aibi pon itabocotha popona, ir_u pon xua popona po irathe, ir_u pon popona po ire pe_uma bereca. Tsipei dapon aibi pon bichocono pejunt_u coyene xanepanaein xua pontha pon Nacom copata xua peitac_upaewatsi xua pepataxubiwa tsane yawa xua peyorobiwa tsane barapo diboro.

⁴ Bapoxonae bichocono wecoyan tsipei dapon aibi pon xua bichocono pejunt_u coyene xeicaein xua pon itac_upatsi pepataxubiwa tsane yawa xua peyorobiwa tsane barapo diboro.

⁵ Bapoxonae caein barapo pitiri jiwi, nejei: “Jopa equeicha wecoyande. Tsipei pon uncua pon w_un dutatsi: ‘León’, jei xua po w_un jei: ‘neuth_u’, jei bapontha Nacom copata xua exana baxua tsipei pia peayapus_u itorobiwa canamataxeina. Apra bapon Judá piamonae jiwi jiwana tatsi, pon Judá caena bayatha t_upa. Barichi bapon apra David pia pemomoxi susato jiwana tatsi, pon David Judea nacuapiwi itorobiya pia pepa peewatsinchi caena bayatha. Saya meisa bapontha Nacom copata xua itac_upatsi xua tsitacutsina barapo siete xoyobe xua catsataba barapo diboro peamanayabixae xua poxonae equeicha caewa as_u poxonae t_upa naetotha”, jei pitirin.

⁶ Bapoxonae tan Cordero xua oveja pebto

penun, pon uncua Nacom pia pexeinya peecaethopeibiwatha peitabaratha tatsi yawa xua barapo cuatro poyobe peitabaratha tatsi xua xuan asu, yawano pitiri jiwi pia xainya deca tatsi. Barapo Cordero uncua bequein wan xeina xua poxonae bayatha tsibexotsi jiwi abe pia peexanae cuiru coyenein tatsi. Barapo Cordero siete po itamaiqueitobe xeina matautano siete pontetobe xeina. Barapo siete itamaiqueitobe yabara caunuta siete po pexeinya juntu coyenebe xua Nacom pia Pejumope tunaxu tatsi xeina. Nacom najumope itoroba daxita irantha.

⁷ Barapo Cordero wecobe pita barapo diboro pecobe weya, po cobe pecoxa weya tatsi pon xua eca pia pexeinya peecaethopeibiwatha.

⁸ Poxonae Cordero pita barapo diboro, bapoxonae barapo veinticuatro pitiri jiwi, iru cuatro poyobe xua xuan asu daxita barapomona pentabocototha umena barapo Cordero peitabaratha tatsi. Daxita barapo pitiri jiwi barompaya xeina xua pocotsiwan pexeinya petanbabiwan pocotsiwan pewun arpa. Yawano barompaya xeina pocotsiwan pecaapaewan xua pocotsiwan pewun oro nain. Yawa barapo pecaapaewixitha wunba xua pocotsiwan petuxueiwan pocotsiwa tuxusi benata poxonae tauta. Barapo petuxueiwa yabara caunuta xua pocotsiwa poxonae pewucaewa Nacomtha pomona xua Nacom piamona, pomona pia peantobewichi tatsi.

⁹ Barapomona pena wei naxuna, jeye:
 “Xam maisa pon bichocono nejuntu coyene xanepanaein xua netsitsinaxubiwa barapo siete

xoyobe xua catsataba barapo diboro.

Tsipei bayatha pana netsitapame poxona
painta pentoma exaname pata naexanaenexa
tsane Nacom piamonae tatsi.

Yawano jiwana itapetame, pomonae tsicamon-
aexi

xua daxita carepaya tsicamonaexitha xua
necajume cowantsiwa tsane.

Matautano jiwana itapetame daxita i dapomonae,
pomona barompaya icha jume penatsipaebiwa.

Matautano daxita carepaya tomaranpiwi
jiwana itapetame.

Matautano daxita carepaya nacuanpiwi
jiwana itapetame.

¹⁰ Pana necana exaname be pomonae jiwi itoro-
biya

pia pepa peewatsiwichi tatsi pan.

Yawa pana exanamenno be pomonae
sacerdotemonaepiwi pan xua Nacom
pata tanacuichinexa.

Yawano pana exaname pata itorobiya
ewatsinexa po cae pin nacuathepiwi”,
jei barapomonae poxonae naxana.

¹¹ Bapoxonae necotan, yawan jume tan xua
bichocono pinmonae juinya pomonae Nacom
pia matatsunpiwi, xua juinya barapo pexeinya
peecaethopeibiwatha matawacaicha umena,
yawa xua juinya barapo pitiri jiwi matawacaicha
umeinchi, yawa xua juinya matawacaicha
umeinchi barapo cuatro poyobe xua xuan asu.
Pomonae jume tan bichocono ayei jiwi cuxujei.

¹² Bapoxonae barapomonae bichocono jume
daunweya paeba, jeye:

“¡Cordero, po Cordero bayatha jiwi tsibexotsi
abe pia peexanae coyenewan tatsi,
maisá barapo Cordero Nacom tsita
juntá coyene xanepanatsi!

Daxota Nacom copata xua bapon xeina
pia peayapusá itorobi coyenewa.

Matautano Nacom copata xua bapon xeina
daxita pocotsiwan xua Nacom xeina.

Yawano xeina pia peyaputae coyenewan.

Yawano xeina pia peayapusáwa xua
daunweya peexanaewa.

Matautano jiwi bewa bará cui
itura jinaena barapon pon Cordero.

Matautano jiwi bewa wánae jainchina
barapon pon Cordero.

Matautano jiwi bewa beta exanae juntá
coyene weiweina peexanaenexatsi bapon xua
petsitápaexae jiwi abe pia peexanae cuiru
coyenein tatsi”, jei barapo matatsunpiwi.

¹³ Yawano equeicha jume tan daxita pomonae
caena bayatha Nacom forota: pomonae
peitabocotha forotatsi, iráno pomonae po cae
pin nacuathe forotatsi, iráno pomonae po ire
peuma wetsina forotatsi. Yawano jume tan xua
pocotsiwan pin mene mar mentha jinompa.
Daxita baxuan carepaya Nacom forota. Jume
tan xua jeye:

“Xam Nacom, pon ecame jinya pexeinya
neecaethopebiwatha iráno xam Corderom,
barabá ataya juntá coyene weiweina
paca exanaenabe xua jiwi juntá coyene
weiweina paca exanaenabe xua
pocotsiwa painya neexanaexaebe.

BarabꞫ daxita jiwi paca barꞫ cui
itura jineibinabe.

Yawano barabꞫ daxita jiwi wꞫnae
paca jainteibinabe.

Yawano barabꞫ paxeineibinamebe peayapusꞫwa
xua daunweya painya neexaneibiwabe.

Daxita barapo coyenein ataya tsitecaeya
paxeineibinamebe”, jei daxita

barapomonae, pomonae Nacom forota.

¹⁴ Barapo cuatro poyobe xua xuan asꞫ, jeye:
“¡Bara bara, bara baxua exanaena!” jei. Pitiri
jiwi, pomonae veinticuatro poyobe, pentaboco-
totha umena, xua Nacom wꞫnae pejainchinexatsi,
pon ataya tsitecaeya popona.

6

*Meje yabara po diwesi xua siete xoyobe xua
xuan pecatsababiwan*

¹ Bapoxonae tan poxonae Cordero tsitsinaxuba
caewa xua catsataba. Bapoxonae caein jiwana
pomonae cuatro poyobe xua xuan asꞫ jume tan
xua daunweya paeba xua be yamꞫꞫ busi, nejei:
“¡Anetha, taema!” jei.

² Bapoxonae tan cawayu pmainyan. Pon
cawayutha equeica, bapon bicheibi caequeica.
Bapon pexeinya tepa catatsi penamata
xatatsinexa. Bapon cawayutha ponataba
xua beta penabinexa. Bapon amanayaba pia
peaitafaetabiwichi.

³ Poxonae Cordero equeicha tsitsinaxuba icha
pecatsatabiwa, bapoxonae barapo cuatro poyobe

jiwana xua xuan asu jume tan, nejei: “¡Anetha, taema!” jei.

⁴ Equeicha patopa ichan cawayu petsobian. Pon tsijuma equeica, bapon catatsi peayapusu itorobi coyenewa xua jiwí pejuntu coyene wepuxana exanaenexatsi po coyene xua jantema pejinom-paewa. Yawano peexanaenexa xua pebiwi pena-jutebinexa. Matautano bapon pin dejona catatsi.

⁵ Poxonae Cordero equeicha tsitsinaxuba icha pecatsatabiwa, bapoxonae equeicha barapo cuatro poyobe jiwana xua xuan asu jume tan, nejei: “¡Anetha, taema!” jei. Equeicha cawayu tan petsaebian. Pon tsijuma equeica, bapon comaequeica pocotsiwa pepesabiwa.

⁶ Bapoxonae barapo cuatro poyobe pia xantha jume tan xua nejei: “Saya cae kilo trigo xu cae denario nantomatsina, pocotsi paratixi xua nantomata caentaqueitha poxonae nacuita. Yawano tres po kilobe cebada beno cae denario nantomatsina pocotsi paratixi xua nantomata caentaqueitha poxonae nacuita. Ichitha jopa copatsin tsane xua abe exanaena aceite mera yawano vino mera”, jei pon jume tan.

⁷ Barapoxonae barapo cuatro poyobe xua opi ducuanaya jume tan yawa nejei: “¡Anetha, taema!” jei.

⁸ Bapoxonae cawayu ichan tan pon na daena. Pon tsijuma equeica wun dutatsi: “Pon Petupaein”, jei. Barapo cawayu peputha tapoinchi ichan cawayu. Pon tsijuma equeica wun dutatsi: “Petupaewa Nacua”, jei. Pon tsijuma equeicabe baponbe catatsibe Cordero pia peayapusu itorobi coyenewa tatsi xua baponbe pejiwana

bexubinexabe poxonaе cuatro poyobe necotabe pomonaе po cae pin nacuathe jinompe, yawano xua pejutebinexabe poxonaе jiwi naba, yawano pejutebinexabe poxonaе jiwi piyain poxoru pexaewa aibi tsane, yawano pejutebinexabe poxonaе jiwi atene, yawano pejutebinexabe unupiwi xua xuan bichocono anaepana.

⁹ Poxonaе Cordero tsitsinaxuba ichaxota xua cinco po cuiyobe xua pecatsatabiwa, bapoxonaе tan xua be pexaethopaewa ichaxota tauteiba duwei xua tuxusi exaneiba Nacom nexa. Baraxua xua be pexaethopaewa juma bereca tan pomonaе bayatha jutebatsi ichamonaе, pecaponaexae Nacom Pejume Diwesi xua amsiya awiya pecueicueijeixae.

¹⁰ Pomonaе xua bayatha jutebatsi ichamonaе, barapomonaе jume daunweya paeba, jeye: “Nacom ponxaem pepa Necanamataxeinaem daxita jiwi, Nacom ponxaem bichocono nejuntꝫ coyene xeicaem. Xam ponxaem pocotsiwan yabara tsiwꝫnae muxu dubame baxuan xaniwaicha exaname. ¿Eta poxonaе exanaename xua poxonaе jiwi yabara paebiname xua penatsicuentsiwa xua abe peexanaexae, xuano xua pana yantomatsiname xua nejutebinexa pomonaе jinompa po cae pin nacuathe copiya pata tana nejutebixae?” jei barapomonaе.

¹¹ Bapoxonaе barapomonaе juma xatabatsi paparuwan, po paparuwan inyapana. Yawano barapomonaе baraichichi: “Abꝫ cataunxuae paeware beya poxonaе yacui opi ducuiya weraweracaena xua cataunxuae jujutebaponaeinchi pomonaе irꝫ Cristo pejume cowꝫntsiwi. Barapomonaе jujute-

baponaeinchi pecueicueijeixae Cristo pejume di-wesi, icha xua poxonae paichim”, jei Nacom.

¹² Poxonae Cordero tsitsinaxuba pecatsatabiwa xua seis po cuiyobetha, bapoxonae tan xua bichocono ira jijiyata. Xometo bichocono tsaebia tsanaya icha paparuwa ichi, pocotsi paparuwa bichocono tsaebia. Jomocoichato bichocono tsobia tsanaya icha pejana ichi.

¹³ Opitei xua peitabocotha dubena othopeica po irathe tsique, icha be joibo ichi xua jababa higuera nae xua pethei othothepeica.

¹⁴ Peitaboco aichurucuae icha be poxonae ichan ichi xua poxonae mata quiyontaba papera. Matautano demxuwan, petunaetonno equeicha ichawa bepoinya poxonae ira jijiyata.

¹⁵ Bapoxonae daxita pomonae jiwi itorobiya pia pepa peewatsiwichi tatsi xua barapo cae pin nacuathe, barapomonae nantsiyaba. Ir_u pomonae pentacaponae wi ir_u pomonae copei pexeinaewi, ir_u pomonae soldadomonae pia pentacaponae wi xua pomonae jiwi peamanayabeibi jiwi daxita barapomonae nantsiyaba. Daxitar_u pomonae pebusi cui tatayebeibiwichi ir_u pomonae xua saya penata exanaewi piawan nantsiyabar_u. Ichamonae barapomonae jiwana ibo m_uth_untha nantsiyaba. Ichamonae barapomonae jiwana nantsiyaba po ibotontha xua saya bobena xua demxuwan itapatororon tsica.

¹⁶ Barapomonae demxuwan beya yawa iboton beya jeye: “Pana mataperababare xua pata wera-paewa tsane xua daxota pon xua eca pia pexeinya peecaethopeibiwatha jopa pata tana netaewa tsane, yawa xua barapo Cordero pecuiyainwa xua

pata neperaxa jubiya exanaeyainwa xua abe pata exanaexae.

¹⁷ Tsipei barapo matacabi patopa po mataqueitha daxita jiwí peraxa jubebinchi. Dapon aibi pon panepa barapo mataqueitha”, jei pomonae nantsiyaba.

7

Meje yabara po diwesi xua Nacom itapa tina Israel pia pexui tatsi pia pemomoxi susato jiwaniwipiwi tatsi xua peyaitaenexa

¹ Bapoxonae cuatro poyobe tan matatsunpiwi xua iratha umena. Ichun uncuia ichaxota pocotsiwa xometo weecoina, ichun uncuia ichaxota pocotsiwa xometo bejopiya, ichunbe epatautiya uncuabe. Barapo matatsunpiwi jopa copatsiyo xua joibo pejojondenaewa barapo iratha dena, yawa xua pin mar menein dena, yawano naeintha denano.

² Barichi ichun tan ichun matatsunpin pon pocotsiwa wetsina pona ichaxota pocotsiwa xometo weecoina. Barapo matatsunpin capona Nacom piawa xua pocotsiwa peyaputaewa piawaxae, pocotsiwa pecatinaewa pon Nacom peyapusu itorobi coyenewa pexeinaein. Barapo matatsunpin jume daunweya wawai icha matatsunpiwi beya xua cuatro poyobe, po cuatro poyobe pia peyapusu itorobi coyenewa xaina xua itacupatsi xua abe exanaena pin mene mar mentha yawa iratha.

³ Barapo matatsunpin jeye: “Jopa abe paexanaeinde iratha yawa pin mene mar mentha, paware ab_u beya poxonae jiwi paitapa tinaein Nacom pia pejume cowantsiwichi, pon pata Nacom”, jei barapo matatsunpin.

⁴ Jume tan barapomonaе yabara, xua ich_un jeye: “Ciento cuarenta y cuatro po jiwimonaеbe paitapa tinan xua Israel pia pemomoxi susatomonaе jiwana tatsi”, jei.

⁵ Barapo Israel pon icha w_un Jacob. Bapon xeina doce po pexantobe tatsi pomonaе caena bayatha werapa. Israel pia pexanton tatsi pia pemomoxi susato jiwi tatsi xeina. Pon Judá, barapon pia pemomoxi susato jiwanapiwi tatsi Nacom itapa tina saya doce mil pomonaе matab_ux_umonaеbe. Pon Rubén, barapon pia pemomoxi susato jiwanapiwi tatsi Nacom itapa tina saya doce mil pomonaе matab_ux_umonaеbe. Pon Gad, barapon pia pemomoxi susato jiwanapiwi tatsi Nacom itapa tina saya doce mil pomonaе matab_ux_umonaеbe.

⁶ Pon Aser, barapon pia pemomoxi susato jiwanapiwi tatsi Nacom itapa tina saya doce mil pomonaе matab_ux_umonaеbe. Pon Neftalí, barapon pia pemomoxi susato jiwanapiwi tatsi Nacom itapa tina saya doce mil pomonaе matab_ux_umonaеbe. Pon Manasés, barapon pia pemomoxi susato jiwanapiwi tatsi Nacom itapa tina saya doce mil pomonaе matab_ux_umonaеbe.

⁷ Pon Simeón, barapon pia pemomoxi susato jiwanapiwi tatsi Nacom itapa tina saya doce mil pomonaе matab_ux_umonaеbe. Pon Leví, barapon pia pemomoxi susato jiwanapiwi tatsi Nacom itapa tina saya doce mil pomonaе

matabuxumonaebe. Pon Isacar, barapon pia pemomoxi susato jiwaniapiwi tatsi Nacom itapa tina saya doce mil pomonaeb matabuxumonaebe.

⁸ Pon Zabulón, barapon pia pemomoxi susato jiwaniapiwi tatsi Nacom itapa tina saya doce mil pomonaeb matabuxumonaebe. Pon José, barapon pia pemomoxi susato jiwaniapiwi tatsi Nacom itapa tina saya doce mil pomonaeb matabuxumonaebe. Pon Benjamín, barapon pia pemomoxi susato jiwaniapiwi tatsi Nacom itapa tina saya doce mil pomonaeb matabuxumonaebe.

Meje yabara po diwesi xua pomonaeb juma xatabatsi pemainya paparuwan

⁹ Barapomonaeb equeicha tan ichamonaeb pomonaeb bichocono jiwani ayei. Daxita nacuanpiwi jiwaniamonaeb, yawano daxita carepaya tsicamonaeb jiwaniamonaeb, yawano daxita carepaya icha jumexitha pepaebiw jiwaniamonaeb, yawano daxita carepaya tomaran jiwaniamonaeb. Daxita barapomonaeb umena ichaxota imoxoyo Nacom pia pexeinya peecaethopebiwa, yawa xua Cordero peitabaratha tatsi. Barapomonaeb bichocono pin bicheito xua ichamonaeb jopa itacupaetsi peununaewa. Daxita barapomonaeb juma xatabatsi pemainya paparuwan. Yawano barapomonaeb pecobetha cajjinca xua be coichaxu axu.

¹⁰ Daxita barapomonaeb jume daunweya jeye:
 “¡Wanacom pon xua eca pia pexeinya peecaethopebiwatha yawano Cordero pon uncua,
 naca capanepa xua jopa waatenewa tsane

xua abe waexanaexae!” jei barapomonaē.

11 Barapo matatsunpiwi matawacaicha yatoxoroto umena xua pitiri jiwi matawacaicha yatoxoroto umeinchi. Yawa pitiri jiwi matawacaicha yatoxoroto umena xua xuan cuatro poyobe xua xuan asu matawacaicha yatoxoroto umeinchi. Yawano cuatro poyobe xua xuan asu matawacaicha yatoxoroto umena xua Nacom pia pexeinya peecaethopeibiwa matawacaicha yatoxoyoroto umeinchi. Bapoxonae barapo matatsunpiwi irabe taeumendeca barapo pexeinya peecaethopeibiwa peitabaratha. Yawano Nacom wunaē jaintatsi.

12 Barapo matatsunpiwi jeye:

“¡Barabu Nacom juntu coyene weiweina exaneibatsi pocotsiwa xua beta waexanaewa!

¡Bara ichi tsane!

¡Barabu daxita jiwi wunaē jainteibina Nacom!

¡Matautano barabu Nacom xeineibina pia peyaputae coyenewa!

¡Matautano barabu jiwi jei tsaibi:

‘Nacom maisa pajuntu coyene weiweinan xua amanaya pata tana neyawenaemxae’,
jei tsaibi jiwi!

¡Barabu daxita jiwi cayabara baru cui itura jineibina!

¡Matautano barabu xeineibiname jinya neayapusu itorobi coyenewa, xuano xua xeinaename jinya neayapusuwa xua daunweya neexanaē coyene!

¡Baxuan barabu ataya xeinaename!

¡Je bara ichi tsane!” jei barapo matatsunpiwi.

13 Barapo pitiri jiwi jiwana caein neyainyaba, nejei: “¿Jintam barure pomonae pemainya paparuwa nama xataba? ¿Eta werena pona?” nejei pitirin.

14 Jume notan, janje: “¡Pon pentacaponam, apara xam yaputaneme jame!” jan. Barapoxonae nejei: “Barapomonae apara pomonae werena pona ichaxota poxonae po mataqueitha jiwi bichocono atene exaneibatsi. Barapomonae abe pia peexanae coyenewan tatsi Nacom tajantemaina, tsipei barapomonae jume cowantatsi xua pon tsitapa barapomonae, pon ‘Cordero’ baraichichi. Barapomonae jantay coyene wanae exanatsi Nacom. Yawa pemainya paparuwa jume xatabatsi”, nejei pitirin.

15 Equeicha nejei pitirin:

“Daxota barapomonae umena ichaxota imoxoyo Nacom pia pexeinya peecaethopeibiwa. Barapomonae tanacuita dubenanaebiya Nacom mataqueitha, yawa merawithano Nacom pia pin botha tatsi xua pia nacuatheicha tatsi. Pon xua eca pia pexeinya peecaethopeiwatha bapon eenequeibina barapomonae, tsipei barapopona.

16 Barapoxonae barapomonae jopa piyainyo, yawa jopa pia meratsino, yawa jopa tsaquiwichi xometotha xua bichocono jainchi.

17 Barapo coyene jopa abe exanaeyo barapomonaetha, tsipei Cordero Nacom Pexanto tatsi, pon uncua ichaxota imoxoyo Nacom pia pexeinya peecaethopeiwatha, bapon yawena

xua barapomonaē yawenatsi.
 Barapon Cordero barapomonaē beta yapu
 eenaeinchi, icha be poxonaē
 pon ovejan peewatsin ichi
 poxonaē pia ovejan matacapona beta
 ichaxota penaton mene, po meran
 mene xeica, xua peas_uwa tsane.
 Bapoxonaē barapomonaē Nacom itacuere
 mene tsewa exanaena xua pewecoyeixaē”,
 nejei pitirin.

8

*Meje yabara po diwesi xua siete po pecatsa-
 tabiwa xua tab_u ducua*

¹ Poxonaē Cordero tsitsinaxuba siete po cuiy-
 obetha xua barapo diboro catsataba, bapoxonaē
 peitaboco moya ducua saya be ainya dapaeyobe.

² Bapoxonaē tan siete poyobe matatsunpiwi,
 pomonaē xua umena Nacom peitabaratha tatsi.
 Barapo matatsunpiwi daxita barompaya catsi-
 batsi siete xoyobe xua pocotsiwan pecaobiwan,
 po pecaobiwan pew_un trompeta.

³ Bapoxonaē pirapaeyo patopa ich_un matatsun-
 pin. Barapo matatsunpin capatopa xua be coroto
 xua pocotsiwa oro nain coroto. Barapo oro nain
 corototha boca petuxuei tsapato xua petautsinexa
 Nacom nexa. Bapoxonaē barapo matatsun-
 pin y_utabotsiya tautabota xua ichaxota pocot-
 siwa be pexaethopaewa, bichocono tuxuei tsuru-
 cuae. Barapo matatsunpin uncua ichaxota pocot-
 siwa be pexaethopaewa ichaxota tauteiba petux-
 ueiwan, po petuxueiwan xua tuxusi exaneiba
 Nacom nexa. Bapoxonaē barapo matatsunpin

catatsi nawita xua petuxueiwan. Pomonae Nacom peantobewixaetsi poxonae tsipaebeiba Nacom, barapo jumein yawa muxuna jujuinya Nacom beicha barapo petuxueiwa xua poxonae tauta. Baraxua xua be pexaethopaewa ichaxota xua tauteiba petuxueiwan, baxua Nacom pia pex-einya pecaethopaewa itabaratha tatsi uncua.

⁴ Barapo petuxuei tuxusi mureiwa matatsunpin pia max_u wetajujuinyatsi Nacom peitabara beya yawa athabe muxuna jujuinya pejume, po jume xua jiwi poxonae tsipaeba Nacom.

⁵ Bapoxonae barapo matatsunpin barapo oro nain coroto pita, yawa barapo corototha bichocono w_unca exana iso itere, po itereton xua taxua barapo petuxusi exanathopeibiwatha. Bapoxonae daxita baxua po irathe xuba, bapoxonae yam_ux_u busi, yawa jerajerei, yawa ira jijiyatano po cae pin nacuatha tsique.

Meje yabara po diwesi xua trompeta xua pecao-biwan

⁶ Barapo siete poyobe matatsunpiwi daxita barompaya nacui w_unaeta pia trompetan xua peobinexa.

⁷ Pon xua copiya, bapon oba pia trompeta. Bapoxonae othopeica be ibotixi, pocotsiwa xua benata ichaxota po eman bichocono aque. Yawano muxuna iso itere othopeica. Yawa muxuna othopeica pocotsiwa be pejanan. Daxita baxuan matatsunpin iratha bebaichica. Bapoxonae ichaxota acoibi po iranbe tsitsiniya, cae iran jiwana wetataxua tsiniya ainya irabe jopa daichiyo. Mata_utano taxua ichaxota acoibi

po unube tsitsiniya, cae unun jiwana wetataxua tsiniya ainya unube jopa daichiyo. Matautano naepanaewan ichaxota acoibi po wexuabe tsitsiniya, cae wexua jiwana wetataxua tsiniya ainya wexuabe jopa daichiyo.

⁸ Bapoxonae equeicha ichan matatsunpin oba pia trompeta. Bapoxonae pocotsiwa be demxuwa taxuapona. Barapo demxuwa xubatsi pin mar mentha, yawano pin mene mar pejana mene tsanaya. Dos po pin mar menebe jopa daichiyo.

⁹ Po pin mar mentha pejana tsanaya baxota duwei werapa, po duwei jinompa baxota. Matautano jeran fobaba pocotsi naein bichocono pin naein.

¹⁰ Bapoxonae equeicha icha matatsunpin xua tres poyobetha, bapon pia trompeta oba. Bapoxonae opiteito, poto pinto jopeica itaboco wetsica po irathe tsique, yawa taxuayecapona icha banaxuto ichi. Barapo pin opiteito jopeica mentha xua yawa jopeica ichaxota ira baxhpana mene mene natsibotarucua. Saya xua daxita mentha aibi. Saya poxonae tres po menebe bara cae mentha jopeica, yawa jopeica xua cae ira baxhpana mentha. Icha ira baxhpana menthabe jopa daichiyo.

¹¹ Barapo pin opiteito wch dutatsi “Amargura”, jei, po jume xua “Atsu”, jei. Daxota poxonae jopeica barapo mentha mene atsu tsanaya. Pinmonae jiwi werapa poxoru apa barapo peatsu mera.

¹² Bapoxonae equeicha icha matatsunpin xua cuatro poyobetha pia trompeta oba. Bapoxonae jiwana muxunene weabe exana xometo. Ainya muxunenepabe jopa daichiyo. Yawa jiwana muxunene weabe exana jomocoichato. Ainya

muxunenepabe jopa daichiyo. Yawa jiwana weabe exana opitei. Icha opitei nacopaba. Poxonae acoibi po opiteibe dudubena tsiniya, bapoxonae cae opiteito jiwana weabe eexana tsiniya. Yawa ainya opiteitobe jopa abe eexana tsiniyaeyo. Po opitei abe exanatsi jopa xanepanaya pentha tsurubenaeyo. Yawano jomocoichato muxunenepa, po muxunenepa abe exanatsi, jopa pentha tsurucuaeyo. Yawa xometo muxunenepa, po muxunenepa abe exanatsi, barapo muxunenepa jopa xanepanaya pentha tsurucuaeyo. Daxota mataqueitha tsiwiyo quiriquirica, yawa merawi bichocono nama.

¹³ Bapoxonae pirapaeyo tan matatsunpin pon be cuiyausi xua juinya pupuna ducuaenaebiya itabocotha. Bapon jume daunweya jeye: “¡Pai jiwi tsobenae xua barapo jiwi abe exanaeinchi pomonae jinompa po iratha deque xua poxonae jume taena xua poxonae matatsunpiwi obina trompetan, tsipei acoibi poyobe matatsunpiwi cataunxuae jopa obiyobe anoxuae!” jei bapon, pon be cuiyausi.

9

¹ Bapoxonae equeicha icha matatsunpin xua cinco poyobetha oba pia trompeta. Bapoxonae tan pon xua be opiteito jopeica iratha bayatha, xua peitaboco wejopeica. Bapon catatsi po coyenetha itacupatsi xua pecoibo saranaxubiwa tsane barapo pin m̃th̃ deca xua ira bereca.

² Bapoxonae bapon coibo saranaxuba. Barapo m̃th̃ coiboto tsina be pin ts̃x̃ jujuina, po ts̃x̃ icha pabi coicha ts̃x̃ ichi poxonae pin pabi.

Barapo tsuxu po irathe naquitaba exana yawa xometo naquitaba exanano.

³ Barapo tsuxu weya pupuna sure, xua daxita iranthe pupuna. Barapo sure catatsi, pocotsi coyene icha puto ichi xua poxonae naca cawata.

⁴ Barapo sure itorobatsi xua jopa abe peexanaewa tsane naepanaewatha xua wexotha xuwa yawa xua tsica naexi. Yawano xua jopa abe peexanaewa tsane naeintha. Saya jame itorobatsi xua abe peexanaewa tsane jiwitha pomona Nacom jopa itapa tinaeyo.

⁵ Ichitha jopa copatsiyo xua jiwi pejutebiwatsi tsainchi. Saya jame copata xua saya jiwi atene exanaeinchi beya poxonae cinco po xometiyobe tsane. Barapo peatenewa bichocono atene icha be poxonae ichi xua poxonae ichu cawatatsi puto.

⁶ Barapo mataqueitha, po mataqueitha jiwi bichocono atene tsane, cuinaya bewerapabenaena ichitha jopa cuinaya werapabena tsane.

⁷ Sure be cawayumonaen nacui wunaeta xua penabinexa. Barapo suremonaen mataina pocotsiwan be tepan be pocotsiwan penainton xuan pewu oro nain. Matauta peitabaran be jiwi itabaran.

⁸ Pentanan bichocono antanapipiya be yabuxi, pewanon awanoyei be neutha wanon.

⁹ Pia pepon tsebocon dubena be penain xuan baxota penayaewatsinexa, po penain pewu hierro nain matawu. Pecuarafein busin be cawayu busin poxonae cawayu cacuinaejjinca ainya naein xua cawayu pecapona naexi xua penabiwa tsane.

10 Pebosoton be p̄uton bosoton xua e dubena. Pia pebosotontha itac̄patsi xua abe peexanaewa jiwitha xua beya poxonae cinco po xometobe.

11 Barapo suremonaein xeina pia pentacaponaein, po pentacaponaein peewatsin barapo pia pin m̄ath̄, po m̄ath̄ ira bem̄ath̄ taerucuaeca. Barapo matatsunpin pon suremonaein pia pentacaponaein tatsi hebreo jume w̄antha “Abadón”, jei. Seicaya griego jume w̄antha “Apolión”, jei. Barapo jume w̄antha jeye: “Pon Pecaewitaxubin daxita”, jei.

12 Baxua weta xua copiya abe peexanaewan, ichitha awiya seica ainya peabe coyenewabe.

13 Bapoxonae equeicha icha matatsunpin xua seis poyobetha oba pia trompeta. Bapoxonae jume tan xua cueicueijeji cuatro po pentetobe weya. Barapo cuatro po pentetobe umena pem̄x̄ub̄r̄utha xua be pexaethopaewa xua ichaxota tauteiba petuxueiwa xua tuxusi exaneiba Nacom nexa. Baraxua xua be pexaethopaewa daxita matapaeicha juma catsababa oro nain. Baraxua Nacom pia pexeinya peecaethopeibiwa itabaratha tatsi uncu.

14 Barapo matatsunpin xua pon seis poyobetha xua pon pia trompeta xeina barapo jumetha tsi-paebatsi barapon. Barapo matatsunpin jeichichi: “Barapo cuatro poyobe matatsunpiwi pomonae max̄ cabebatsi max̄ isacapende xua pomonae umena ichaxota po mene pin mene, po mene pew̄n Eufrates”, jei.

15 Bapoxonae barapo cuatro poyobe sorobabatsi, xua jiwi pejutebiwa tsainchi. Icha bicheito jutebatsi. Dos po bicheitobe jopa jutebichi.

Barapo cuatro poyobe bayatha cui wunaetatsi xua po horathe nexa, yawa xua po matabithe nexa yawa xua po xometothe nexa yawa po weithe nexa xua poxonae pesorobabiwatsi tsainchi.

16 Jume tan xua pia soldadomonaе yabara paeba xua pomonaе bichocono ayei xainto bicheiton, jeye: “Bapon doscientos millones xeina po soldadomonaе cawayutha pona”, jei.

17 Xua xuan tan cawayumonaеin iche: Pomonaе cawayutha eneica pentacaritha cajjinca penain bocoton, petsobiwanno, yawa pesujeiwanno, yawa pedaedaenaewanno. Barapo cawayumonaеin peitabaran be neutha itabaran. Barapo cawayumonaеin pecoiboton tsina iso itereton tajujuinatsi xua tsuxu tsofia, yawano icha tsuxano xua coicha sujei. Yawano icha coicha po tsuxu coicha daena.

18 Pin bicheitomonaе werapa tsipei barapo cawayumonaеin pecoiboton tsina tajujuinatsi iso itere, petsuxano xua sujei, yawa icha tsuxu po coicha bichocono coicha daena. Dos po bicheito cuntiyobe jopa daichiyo.

19 Barapo cawayumonaеin pecoiboton tajujuinatsi pia peayapuswan tatsi yawano pebosoton tsinano. Barapo cawayumonaеin bosoton be jomon matanaеin. Barapo jomo matanaeintha jiwi abe exainchi.

20 Ichitha ichamonaе pomonaе jopa werapaeyo barapo pewerapaewantha, barapomonaе jopa pentsiyo abe pia peexanae coyenewan. Matautano jopa barapentsiyo xua antobeya wunaе pejainchiwa caurimonaetha. Matautano jopa barapentsiyo po nacom oro nainto nacom,

yawa plata nainto nacom, yawa bronze nainto nacom. Yawano wɔnae jainta ibo nacom. Yawano wɔnae jainta nae nacom. Barapo nacomɔnmonae jopa itacɔpaetsi xua penecotsiwa. Yawa jopa itacɔpaetsi xua pejume taewa. Yawa jopa itacɔpaetsi xua peponaewa.

²¹ Mataɔtano jopa barapentsiyo xua ichamonae pejutebiwatsi. Yawano mataɔta jopa barapentsiyo po coyene xua mara peexanaewa pia coyenewan tatsi. Yawano jopa barapentsiyo xua penata siwa xeinaewa yabɔxitha. Mataɔtano jopa barapentsiyo pecaibi coyenewan.

10

Meje yabara po diwesi xua matatsunpin capona tsica dibiriyo

¹ Xan ponxaein Juan, bapoxonae equeicha tan icha matatsunpin pon bichocono peayapusɔn xua peitaboco wetsica pona po irathe tsique. Barapo matatsunpin tsaquinaebowa muxuna dederaquiya duneica. Yawano matatsun uncueicatsi coinwawa. Peitabara bichocono itabara pentha icha xometo ichi poxonae pentha. Yawa pesitobe be isoto coicha xua bichocono coicha tsobia.

² Tsica dibiriyo pecobetha capona xua itɔtaduta. Po sito xua pecoxa weya pin mar mentha uncua, yawa po sito petsocona werena iratha uncua.

³ Bapoxonae bapon jume daunweya wawai be poxonae neuthɔ jume daunweya fiba. Poxonae bapon wawai, bapoxonae jume tan xua be juru-jurei yamɔxɔ siete po jumeyobe xua paeba.

⁴ Poxonae baxua najume weta xua be jurujurei yamuxu siete po jumeyobe xua paeba, pontaban xua tatinaenexa xua baxua paeba. Ichitha jume tan pon peitaboco wenetsipaebica. Nejei: “Moya yawun xeinare yawa jopa tinaeinde xua barapo siete jumeyobe xua be jurujurei yamuxu”, nejei.

⁵ Bapoxonae barapo matatsunpin pon xua po sito pecoxa weya uncua pin mar mentha yawa xua po sito petsocona weya uncua iratha, bapon namaxu yoicha peitaboco beicha po maxu xua pecoxa weya.

⁶ Matatsunpin pon namaxu yoicha peitaboco beicha po maxu pecoxa weya, bapon jeye: “Nacom, pon ataya popona, bapon itaboco forota. Bapon irano forota, pin mar meneno forota. Daxita ichawan muxuna forotano, pocotsiwa itabocotha dubena yawa pocotsiwa irathano xeina yawa pocotsiwa pin mar menthano jinompa. Barapon peitabaratha tatsi uncuan. Bara xaniwaicha paeban bapon peitabaratha tatsi. Yabara tsiwuna nae muxu dutan: ‘Equeicha daxua aibi xua peewatsiwa’, jan”, je i matatsunpin.

⁷ Equeicha barapo matatsunpin jeye: “Poxonae matababi patopaena po mataqueitha icha matatsunpin obina pia trompeta xua siete poyobetha, bapoxonae Nacom nacui jutsina xua daxita wetsina. Nacom wetsina xuan pocotsiwan caena bayatha Nacom yabara tsiwuna nae muxu duta piamonae tatsitha, pomonae Nacom peitorobi jume pepaebiwi. Barapocotsiwan xua Nacom yabara tsiwuna nae muxu duta, baxuan jiwi jopa yaputaeyo poxoru jopa Nacom yatsicaewa

tsita itatsiyo jiwitha”, jei barapo matatsunpin.

⁸ Barapo jume pon xua itaboco wenetsipaebica, bapon equeicha netsipaeba, nejei: “Ponare yawa pire barapo dibiriyo xua po dibiriyo naitatarucua. Barapo dibiriyo pire, po dibiriyo barapo matatsunpin comauncua. Barapo matatsunpin pon po sito pecoxa weya uncua pin mar mentha, yawa uncua iratha po sito petsocona weya”, nejei.

⁹ Bapoxonae matatsunpin beya ponan yawa wɛcan barapo dibiriyo, janje: “Necare barapo dibiriyo”, jan. Nejume nota, jeye: “Moya pire, moya yawa xaema barapo dibiriyo. Poxonae barapo dibiriyo xaename necoibotha catsijain xecaena be banto tsane. Ichitha necotsorotha atsu tsane”, nejei matatsunpin.

¹⁰ Bapoxonae barapo matatsunpin wecobe pitan barapo dibiriyo yawa xan. Poxonae xan netsicoibo xeica be banto ichitha tacotsorotha bichocono atsu tsanaya.

¹¹ Bapoxonae netsipaeba, nejei: “Xam bewa equeicha yabara tsiwɛnae muxu dutsiya paebiname po coyene bayatha Nacom yabara paeba jiwi, xua ainya nacuanpiwi, yawa pomonae barompaya pijume pepaebiwi, yawano pomonae jiwi itorobiya pia pepa peewatsiwichi”, jei xua pon netsipaeba.

11

Meje yabara po diwesi xua dos ponbe, ponbeyat-sicaewa Nacom pia petapaebinchibe xua petaexaebe pocotsiwa Nacom exana

¹ Bapoxonae necata naeto pocotsiwa xua peepa canaũbiwa. Yawano matatsunpin nejei xua Nacom tapaebatsi: “Asiya uncuare yawano pire barapo naetiyo. Bapoxonae Nacom pin pia bo beya ponare, yawa bara po bo epa canaũbare. Yawano epa canaũbare xua be pexaethopaewa ichaxota tauteiba xua petuxueiwa xua tuxusi exaneiba Nacom nexa. Yawano ununare pomonae baxota Nacom wũnae jaintatsi, pomonae yatsicaewa Nacom peantobewichi.

² Ichitha jopa pana epa canaũbinde, po pana pesato beya boca ichaxota Nacom pia pepa pin pia bo tatsi uncuwa. Tsipei barapo pana ichamonae catatsi pomonae penanapaincha jinompaewi xua icha nacuan werena peponaewi, pomonae Nacom jopa pejume cowũntsiwichi. Barapomonae abe exanaena Nacom pia pexeinya tomara tatsi po tomara xua barapo cae pin nacuathe xua beya cuarenta y dos po xometobe yacui nacui wetsiya jopaena.

³ Xan itorobin dos poyobe, ponbe xua inta yatsicaewa paebinabe xua petaexaebe xua pocotsiwa exanan. Baponbe inta yabara tsiwũnae muxu dutsiya paebinabe jiwitha xua beya un mil doscientos sesenta po maticabinbetha tsane. Baponbe jume xatatsinbe pocotsi paparuruwa xua axũn, xua jiwi nama xatabeiba poxoru wecoyei”, nejei matatsunpin xua Nacom tapaebatsi.

⁴ Barapo pebinbe ponbe xua inta paebabe, baponbe ichawa yabara caunutatsibe. Caena bayatha Nacom pia peitorobi jume pepaebin, pon pewũn Zacarías yabara tina oliwo naebe, yawa yabara tina ainyawabe pocotsiwa

petabuyabeibiwa pecoichan. Barapocotsiwanbe caunuta xua ponbe inta paebabe. Barapo ainya olivo naebe yawa barapo ainyawabe xua pecoichan petabuyabeibiwa umena pentacaponaein peitabaratha tatsi, pon po cae pin nacuepiwi pia Pecanamataxeinaeinchi tatsi.

⁵ Icha ichamonae ichichipa xua baponbe abe peexanaewatsibe baponbe itacupatsibe xua weraweraca peexanaewabe barapomonae pecoiboto tsina icha be pocotsi coyeneya metha ichipabe xua poxonae daxita weraweraca exanabe poxonae be isoto tajuinatsibe. Barapo isototha baponbe omeicha tautabe pia peitafaetabiwichi jiwitha. Barichi werapaena pomonae ichichipa xua baponbe abe peexanaewatsibe.

⁶ Baraponbe xeinabe pia peitorobi coyenewa xua itacupatsibe peitaboco acatsiwa tsanebe xua jopa ema peruneicaewa tsane. Baxua itacupatsibe xua exanabe poxonae baponbe po matakabitha cataunxuae Nacom tapaebi ducuaenaebiyatsibe. Matauta baponbe pia peitorobi coyene xeinabe xua meratha equeicha pejana tsanaya exanabe. Matautano baponbe itacupatsibe xua exanabe poxi xua abe exana iratha. Ainya coyenein baponbe exanabe xua xuan be pocotsi coyeneya ichichipabe xua peexanaewabe.

⁷ Poxonae baponbe nacui wetsinabe xua tapaeba ducuaenaebiyabe xua Nacom tapaeba ducuaenaebiyatsibe, bapoxonae juinaena po muthu pin muthu tsina pon ayei pon bichocono abe peexanaein. Baraponbe be xua butsibe natsicotainchi yawa amanayabinchibe xua tapa peexanaenexatsibe.

8 Petɔpaeinbe saya pesatotha bocaenabe tomara namtotha, po pepa tomaratha ichaxota matha naetotha tɔpa exanadutatsi pon jiwi Pecanamataxeinaein xua baponbe pia Pecanamataxeinaeinchibe tatsi. Jiwi barapo pepa tomara yabara jeichiya jeye: “Barapo Jerusalén tomarapiwi apara be ‘Sodoma tomarapiwi’, jei, yawa barichi be ‘Egipto nacuapiwi’, jei”, jei jiwi. Jiwi barapo Jerusalén tomarapiwi yabara caunutsiya paeba tsipei caena bayatha Sodoma tomarapiwi abe peexanaewimonae. Yawa irɔ Egipto nacuamonaepiwi abe peexanaewimonae, icha barapo pepa tomaramonae ichi xua Jerusalén tomara xua abe exana.

9 Daxita pomonae tomarapiwi jiwana, irɔno tsicamonaeyo jiwana, irɔno pomonae barompaya icha jumexitha pecueicueijei jiwi jiwana, irɔno daxita pomonae nacuanpiwi jiwana, daxita barapo jiwimonae taeumenaena barapo petɔpaeinbe. Baponbe petɔpaeinbe bocaenabe acoibi po matabibibe yawa xua equeicha bara caetono. Daxita barapomonae pomonae taeumena, jopa copatsi tsane xua ichamonae bara petɔpaeinbe pemathathɔ xubiwa tsainchibe.

10 Pomonae xua jinompaena po irathe jɔntemiya jinompaena xua petɔpaexaebe baponbe. Daxota daxita barapomonae jɔntɔ coyene weiweinaena, yawano daxota barapomonae nantiya nacatsibina pocotsiwan amanaya penacatsibiwan. Barapomonae baxua exanaena tsipei ajumeitafaetabi tsane pocotsiwa paebabe Nacom nexa, ponbe Nacom peitorobi jume pepaebinbe.

¹¹ Ichitha poxonae yapu caewinaba acoibi po matabibibe yawa xua equeicha bara caeto bo-caenabe, bapoxonae equeicha Nacom asu ex-anaenabe. Bapoxonae asiya uncuaenabe. Daxita pomonae xua poxonae baponbe taeinchibe, bichocono junuwina.

¹² Bapoxonae baponbe jume taenabe xua pon itaboco wetsica jume daunweya baraunchi tsainchibe, jei tsainchibe: “¡Bara wepajuinamebe!” jei tsainchibe. Bapoxonae baponbe itaboco beicha juinyaenabe tsaquinaebowatha yawa pu taeumenaechibe pia peitafaetabi jiwichi.

¹³ Barapoxonae caena ira jijiyatsina bichocono. Ichaxota diez po bonbe uumena tsiniya cae bon jiwana othopa jujuincaena, nueve po bonbe tsiniya jopa daichi tsane. Siete mil po pebiwi matabuxumonaebe werapaena ira pejijiyatsixae tsane. Pomonae jopa werapae tsane bichocono junuwina daxota Nacom wunaenae jainchinchinchi, po Nacom itaboco beequiya.

¹⁴ Bayatha nacui weta xua dos xoyobe xua daxita jiwi atene tsane bichocono. Ichitha imoxoyo equeicha methaunxuae tsane ichawa pocotsiwa acoibi po cuiyobe nexa pocotsiwa xua jiwi bichocono atene tsane.

Meje yabara po diwesi poxonae xua matatsunpin xua pon siete poyobetha oba pia trompeta

¹⁵ Barapo matatsunpin xua pon siete poyobetha pia trompeta oba. Bapoxonae pejume itaboco wetsica jume daunweya jeye:

“Po coyene xua jiwi itorobiya peewatsiwatsi

barapo cae pin nacuathe, anoxuae barapo
peitorobi

coyenewa Nacom pon Wanacanamataxeinaein
piawa irano Mesías pon Nacom pia
peitorobarecaein, bapon piawa tatsi.

Baponbe daxita jiwi itorobiya ewatsinchi
barapo cae pin nacuathe xua ataya tsane”,
jei pomonae xua itabocotha jume
daunweya wawai.

¹⁶ Bapoxonae tan barapo pitiri jiwi, po pitiri
jiwi veinticuatro poyobe. Barapo pitiri jiwi
ena pia pexeinya peenaethopeibiwatha, Nacom
peitabaratha tatsi. Barapo pitiri jiwi pentaboco-
totha irabe taeumendeca xua Nacom wanae pe-
jainchinexatsi.

¹⁷ Barapo pitiri jiwi jeye Nacomtha:
“Xam pata Nacom, ponxaem jiwi
Necanamataxeinaem pajuntá coyene
weiweinan xua pocotsiwa painta neexanaexae.
Xam barapo pata Nacom, pon
neayapusá itorobi coyenewantha neexanaein.
Xam pon anoxuae ataya poponeibiname yawa
xua caena bayatha ataya poponeibameno,
yawano xua bexa tsane ataya poponeibinameno.
Tsipei anoxuae po mataqueithe nama tamropata
pitabame jinya neayapusá itorobi coyenewa
xua tsita itatame xua poxonae daxita
carepaya nacuanpiwi itorobiname.

¹⁸ Daxita nacuanpiwi cacaseba, ichitha
anoxuae matabi patopa, po mataqueitha
bichocono anaya atene exanaename
barapomonae abe peexanaexae.
Yawano barapo mataqueitha daxita jiwi

yabara paebiname xua
 penatsicuentsiwa pomonae xua w_unae
 peexanaewi ir_u pomonae xua abe peexanaewi.
 Daxita barapomonae bayatha werapa.
 Barapo mataqueitha ir_u pomonae xua cata
 nacuita, pomonae jinya neitorobi jume pepae-
 biwi,
 ir_u pomonae xua pe_junt_u coyene xanepanaewi,
 barapomonae matab_ux_umonaebe catsibiname
 pocotsiwan xua bayatha j_untana jebame
 xua nematomatsiwan.
 Barichi catsibiname pomonaetha pomonae jopa
 judiomonae naexanaeyo pomonae bequein bara
 ichamonae saya pecui pawimonae, mata_utano
 bequein bara ichamonae peainya cui jiwimonae.
 Ichitha xam saya bara catsita naj_upa.
 Mata_utano barapo mataqueitha daxita omeicha
 atene exanaename pomonae abe peexanaewi
 barapo cae pin nacuathe”,
 jei barapo pitiri jiwi.

¹⁹ Bapoxonae Nacom pin pia bo tatsi nacoibo
 saranaxuba xua itabocotheicha. Barapo Nacom
 pin pia botha jiwi tane pocotsiwa xua ichawa
 yanta xatatababota xua be caja. Barapo ca-
 jatha boca Nacom petinae diwesi, pocotsiwa
 xua Nacom yabara tsiw_unae muxu duta pomon-
 aetha pomonae pia petanacuichiwichi pocotsiwa
 bexa Nacom taexanaena xua barapomonae taex-
 anaeinchi. Bapoxonae yam_ux_u busi xua be ju-
 rujurei yawa jerajerei. Mata_utano ira jijiyata,
 yawano nawita othopeica xua dederawa, pocotsi-
 wan benata poxonae po eman ichaxota bichocono
 aque.

12

Meje yabara po diwesi xua petsiriwa yawa pon pinyo, pon be jomowabi, bapon pon be Joyoinya

¹ Bapoxonae itabocotha naitata xua pocotsiwa bexa exanaena po cae pin nacuathe tsique. Tan petsiriwa powa nama xatata po paparuwa bichocono wanae, icha be xometo ichi poxonae pentha. Bapowa nataxu yutuncua jomocoichatho. Barapowa mataina tepa, po tepatha doce xoyobe xeina opitei.

² Bapowa yaporowa jina pexuyo. Bapowa wawai tsipei atene, poxoru pexuyo naexana imoxoyo.

³ Bapoxonae itabocotha equeicha naitata ichawa. Tan pon pinyo, pon be jomowabi, pon be Joyoinya. Bapon pon be Joyoinya bichocono tsobia yawa siete po pentasipabe xeina yawa diez po pentetobe xeina. Daxita carepaya pentasipantha mataina tepan.

⁴ Pebosototha ira bereca bebaireca opitei. Ichaxota acoibi po opiteitonbe dudubena tsiniya cae opiteiton jiwanan abe eexana tsiniya. Barapon pon be Joyoinya ewatuncua, yabayo ewatuncuatsi, powa xua imoxoyo exanaena pexuyo. Bapon pon be Joyoinya ichichipa xane pexuyo poxonae naexanaena.

⁵ Barapo petsiriwa tanaexanatsi pexuyo pebin wato. Barapo pexuyo, po pexuyo poxonae wichaba itorobiya ewata pomonae jinompa po cae pin irathe xua daxita carepaya nacuantha. Bapon daunweya beta ewata barapomonae icha pon oveja peewatsin ichi xua poxonae daunweya beta

ewata ovejan. Bapon exana baxua naewa xua be naebarꝥpato. Poxonae barapo pexuyo naexana, pitatsi yawa capoinchi Nacom pia pexeinya peecaethopaewatha beicha.

⁶ Bapoxonae barapo petsiriwa naetsiriwa ira xuepana susato tsurucuae nacua beya. Baxotiya Nacom tsiwꝥnaeta xua pia ira nexa yawa xua bapowa pexaewa peapatsinexatsi mil doscientos sesenta matakabibetha.

⁷ Bapoxonae itabocotha matatsunpiwi naba. Matatsunpin pon pewꝥn Miguel, bapon matakapona pia matatsunpiwi. Irꝥꝥꝥ pon be Joyoinya, bapon pia matatsunpiwi matakapona. Daxita barapo bicheito nantiya naba.

⁸ Ichitha pon be Joyoinya irꝥ pia matatsunpiwi tatsi jopa cui jꝥpaetsi xua Miguel peamanayabaxubiwatsi yawa xua pia matatsunpiwi tatsithano. Daxota pon be Joyoinya yawa pia matatsunpiwi tatsino jopa cui jꝥpaetsi xua peitabocotha pejinompaewa tsipei amanayabapentatsi.

⁹ Bapon pon be Joyoinya yawa pia matatsunpiwi tatsino itawetsicatsi po irathe tsique. Bapon pon be Joyoinya pon caena bayatha yabara paebatsi xua jeye: “Bapon apara jomo”, jei. Bapon caurimonae pia pentacaponaein tatsi xua icha wꝥn pewꝥn Satanás. Bapon pon jiwi pemuxujainyabeibin pomonaetha pomonae jinompa daxita po cae pin irathe tsique.

¹⁰ Bapoxonae itabocotha pejume jume tan pon xua jume daunweya wawai, jeye: “Anoxuae Nacom naca capanepa exana pia peayapusꝥ itorobi coyenewatha xua pon be Joyoinya jopa wanacanamataxeinaenexa.

Yawano anoxuae Wanacom itorobiya ewata
daxita carepaya nacuantha pomonae
jinompa po cae pin irathe tsique.

Yawano anoxuae Nacom Mesías catatsi
pia peayapus_u itorobi coyenewa pon
Nacom pia peitorobin tatsin.

Daxita barapo coyenein anoxuae pata,
tsipei pon be Joyoinya itawetsicatsi
po cae pin irathe tsique.

Pon Nacom itawetsica, bapon wajiwimonaetha,
pomona jume cow_unta Nacom, abeya
muxujainyabeibatsi merawitha yawa
mataqueithano xua Nacom peit_utha tatsi.

¹¹ Wajiwimonaetha pomonaetha ir_u xua pejume
cow_untsiwi Nacom, barapomonaetha amanayaba
bapontha pejume cow_untsixaetha xua
Mesías tsit_upa barapomonaetha.

Bapon pon Cordero, xua pon oveja pebto pen_un.
Yawano amanayaba bapomonaetha tsipei Mesías
yabara paeba dubenanaebiyatsi pocotsiwa
bapon barapomonaetha taexainchi.

Barapomonaetha amanayaba, tsipei najei: ‘Bequein
bapon pon be Joyoinya ichichipa naca juteba
ichitha jopa junuwichi xua werapaeinchi.
Awiya jume cow_unta dubenanaebiyaeinchi
Nacom’, najei.

¹² ¡Paj_unt_u coyene weiweinare pomonaetha
itabocotha painya nejinompaexae!
¡Daichitha tsobenae pomonaetha jinompa
po cae pin nacuathe deque, yawano
xua xuan pin mar mentha jinompa,
tsipei Satanás bara bereca
bichocono anaepanaya patopareca!

Bapon Satanás yaputane xua jopa bayatha tsaibi tsane poxonae abe exaneibina po cae pin nacuathe deque”, jei.

¹³ Poxonae barapon pon be Joyoinya, pon Satanás itawetsicatsi po cae pin irathe tsique, bapoxonae yabuyo barainatsi, powa xua bayatha pexuyo exana pebin wato.

¹⁴ Ichitha Nacom, barapowa pecuarafe catatsi, ainya cuarafebe xua cuiyausi piawan. Daxota Nacom cata xua bapowa tajū beya pepupunaenexa ichaxota po ira beya xua Nacom bayatha tsiwunaeta, xua pepupunaenexa pon be Joyoinya weya. Barapowa pupuna barapo ira xuepana susato tsurucuae nacua beya. Nacom apata bapowatha pexaewa tres po weibetha yawa xua seis po xometobetha.

¹⁵ Bapon pon be Joyoinya pecoiboto tsina mene sutaba xua peawabonexa xua bapowa pemonoxubinexa tsainchi awabotha.

¹⁶ Ichitha ira bapowa yaweinchi. Barapo ira, naira yetaxuba yawa mene apaxoreca, po mene bayatha sutaba bapon pon be Joyoinya.

¹⁷ Bapoxonae bapon pon be Joyoinya bichocono anaepana bapowatha. Daxota bapon nainya pona bapowa piamonae tatsi beya tatsi xua penabinexa. Bapon ba xua butsi pomonae jume cowanta Nacom penajume caitorobi diwesi xuno xua paeba dubenanaebiya Jesús pejume diwesi.

¹⁸ Bapoxonae bapon pon be Joyoinya, pon be jomowabi, pin mar mene itapa taetabotha uncua xua pewabinexa ichamonae xua peyawenaenexatsi.

13

Meje yabara po diwesi pon ayei, pon be Corei, irano xua ichan pon ayei, pon be Metsametsawa

¹ Bapoxonae ichan tan pon pin mar mene juina pon ayei, pon be Corei. Bapon xeina siete po pentasipabe yawa diez po pentetobe. Daxita carepaya pentetontha mataina tepan. Daxita carepaya pentasipantha tinaduba pewanxi, po wanxi xua Nacom abe yabara paebatsi.

² Barapon pon be Corei be neutha xua yaquiquibia. Petaxu be tson taxu. Pecoiboto be neutha coiboto. Pon petsobian, bapon pon be Joyoinya cata pia peayapusu coyenewa, pon be Corei catatsi. Yawano muxuna catatsi pia pexeinya peecaethopaewa. Yawano catatsi pia peayapusu itorobi coyenewa.

³ Cae matasipatha xua pon be Corei matasipa, wan ducua be poxonae xua pocotsin tupaena. Ichitha barapo matasipa naawanxaebi exana. Daxita barapo irathe nacuanpiwi nabenaeca, tsipei naawanxaebi exana barapo matasipa. Daxota po irathe nacuanthepiwi jume cowanta bapon, pon be Corei jume cowantatsi.

⁴ Barapon pon be Joyoinya wanae jaintatsi, jiwi wanae jainta, tsipei barapon cata pia peayapusu itorobi coyenewa pontha pon be Corei. Barichi pon be Corei wanae jaintatsi, jiwi wanae jainta. Jiwi jeye: “Maisa barapon, pon be Corei ainya cui, peayapusu itorobi coyenewa pexeinaein. Dapon aibi pon pecui jupaewatsi xua bapon peamanayabixubiwatsi”, jei jiwi.

⁵ Yawano barapon, pon be Corei copatatsi xua Nacom abe peyabara paebinxatsi. Yawano barapon, pon be Corei copatatsi xua jiwitha peitorobinexa cuarenta y dos po xometobetha.

⁶ Bapoxonae barapon, pon be Corei bara baxua exana, xua copatatsi. Bapon Nacom abe yabara paebatsi. Matautano Nacom pin pia bo tatsi abe yabara paebatsi. Matautano Nacom piamonae tatsi, pomonae jinompa itabocotha abe yabara paebatsi.

⁷ Yawano barapon, pon be Corei copatatsi, xua bena xua beinchi pomonae Nacom pejume cowantsiwichi, beya xua poxonae barapomonae amanayabapentsinchi. Yawano barapon, pon be Corei catatsi peitorobi coyenewa, xua daxita jiwi peitorobiwatsi xua pomonae daxita carepaya tscamonaexi peitorobiwatsi. Matautano catatsi xua daxita carepaya tomaranpiwi peitorobiwatsi. Matautano catatsi xua daxita carepaya pomonae icha jumeintha pecueicueijeijiwi peitorobiwatsi. Matautano catatsi xua daxita carepaya nacuanpiwi peitorobiwatsi.

⁸ Barapon, pon be Corei wɛnae jointatsi xua daxita carepaya po cae pin irathe nacuanpiwi wɛnae jointa. Barapomonae jopa wɛn dubenaeyo diborotha, po diboro pon Cordero xaina pecobetha, pon Mesías pon naetotha tɛpa. Barapo diborotha Nacom wɛn duba pejume cowantsiwichi caena bayatha poxonae Nacom aena forota nacua. Pomonae wɛn dubena barapo diborotha jopa weweracaeyo.

⁹ Paxam pomonae painya nejume cowantsi jiwi pam. Icha pamuxu dubename, moya pajume

naitaeware xua pocotsiwa Nacom pia Pejumope tɯnaxɯ tatsi paca tsipaeba xua meje:

¹⁰ “Pomonae xua ichɯn waetabatsi xua atene peexanaenexatsi barapomonae xuya bara teicaeinchi

ichamonae atene peexanaenexatsi tsane.

Pon xua cusitha namawainta xua ichɯn bexubatsi,

bapon xuya cusitha bexubinchi”, paca jei

Nacom pia Pejumope tɯnaxɯ tatsi.

Daxota pomonae pejume cowɯntsiwi Nacom bewa saya jɯntɯ coyene daunweya jinompae xua xuya jopa taexanae tsane ichamonaetha xua bequein abe taexanaeinchi ichamonae. Yawano bewa jume cowɯnta dubenanaebiyaena Nacomtha.

¹¹ Bapoxonae tan ichɯn pon ayei pon be Metsametsawa. Bapon ira wejuina. Yawa mate ducua icha Cordero ichi pon oveja pebto penɯn. Dai-chitha poxonae cueicueije, be poxonae cueicueije pon be Joyoinya.

¹² Bapon xeina peayapusɯ itorobi coyenewa, po peayapusɯ itorobi coyenewa xeina pon be Corei. Bapon pon be Metsametsawa, daxita jiwi itorobatsi xua wɯnae pejainchinexatsi pon be Corei, pon pia coutha nantasipa awanxaeibi exana.

¹³ Yawano pon be Metsametsawa exana nawita xua pexeinya petsita itɯtsi coyenewa. Yawano bapon exana xua itorobica itaboco wetsica xua pocotsiwa be isoto xua po cae pin iratha tsique xua jiwi petanexa.

¹⁴ Barapon pon be Metsametsawa petsita itɯtsi coyenewa exana pon be Corei peitabaratha tatsi.

Barapo petsita itutsi coyenewantha bapon muxujainyaba xua muxujainyabatsi pomonae jinompa daxita carepaya nacuantha xua barapo cae pin nacuathe. Bapon pon be Metsametsawa itoroba jiwitha xua peexanaenexa ibo nacom xua canaxobiya exana pon be Corei, pon xua xeina pentasipatha xua dejona wan, pon bequein wan ducua, ichitha jopa tupaeyo.

¹⁵ Barapon pon be Metsametsawa peitorobi coyene catatsi xua asu exana barapo ibo nacom pon be Corei. Poxonae barapo ibo nacom asu tsane, cueicueijejei tsane yawa jutebina daxita pomonae jopa wunaenae jainchichi.

¹⁶ Yawano bapon itoroba ichantha xua daxita cobe juma tinaeinchi po cobein pecoxa weya, yawa xua ichacuitha itapa tinaeinchi, xua pomonae jopa ainya cuiyiyo, iruru pomonae xua peainya cui jiwu, iru pomonae xua copei pexeinae jiwu, iru pomonae peacopeibi jiwino, yawano pomonae pia coutha penata exanae jiwu, irano pomonae xua pebusi tatayebebiwichi.

¹⁷ Dapon aibi pon itacupatsi xua piawan comoca yawa xua caenaeta piawan icha jopa xeinaeyo barapo pecobe juma tinaewa. Barapo pecatinaewa pon be Corei pewun tatsi, ichacuitha barapo pecatinaewa saya número xua pewun tatsi pia número tatsi.

¹⁸ Beta pananta xeinare xua yabara painya neyaputaenexa baxuan. Pon xua yaputane baxua bu bapon yabara nanta xeina xua pon be Corei pia número tatsi. Barapo número jupa xua pebin pewun. Barapon pon be Corei pia número tatsi baxue: seiscientos sesenta y seis.

14

*Meje yabara po diwesi xua pomonae naxɨna
144, 000 po bicheitomonae matabɨxɨbe*

¹ Baroxonae tan Cordero xua oveja pebto penɨn xua uncua demxuwatha, po demxuwa pewɨn Sión. Barapo Cordero barɨ uncua ciento cuarenta y cuatro mil po bicheitomonae matabɨxɨbe. Barapo ciento cuarenta y cuatro mil po bicheitomonae matabɨxɨbe daxita carepaya itapa tinatsi barapo Cordero pia wɨn tatsi, yawano xua Paxa tatsi pia wɨn tatsino.

² Baroxonae jume tan pejume itaboco wetsica. Barapo pejume bichocono jume daunwei be poxonae xua ainya pin menein busin xua poxonae tajɨ wemene othopeica. Yawano be poxonae xua yamɨxɨ nameta, yawa be poxonae ainya busin xua pinmonae tanbaba.

³ Barapomonae pomonae tanbaba pexeinya wei naxɨna Nacom pia pexeinya peecaethopaewa itabaratha tatsi, xuano xua barapo cuatro poyobe peitabaratha tatsi xua xuan asɨ, yawano xua pitiri jiwi pia peitabaratha tatsi. Ichamonae jopa itacɨpaetsi barapo wei xua peyaputaewa xua po wei naxɨna barapomonae. Saya jame barapomonae, pomonae ciento cuarenta y cuatro mil po bicheitomonae matabɨxɨbe yaputane barapo wei xua pomonae po irathepiwi jiwana-monae, pomonae bayatha Cordero capanenebiya abe pia peexanaewan weya poxonae tsitɨpa barapomonae.

⁴ Barapomonae jopa nataxobiyo xua penasi cui exanaewa xua yabɨxitha pejeinya enaexae.

Yawano barapomonaē exaneiba daxita xua pocotsiwan Cordero itoroba xua poxonaē barapomonaē napuna poneiba ichaxota Cordero poneiba. Barapomonaē capanenebiyatsi, Nacom capanenebiya xua daxita carepaya jiwī jiwana monaē tatsi xua bapomonaē pecana exanaenexatsi pomonaē bichocono pepa pejuṅṅu coyene xanepanaewi Nacomtha irṅno Cordero tha pomonaē xua copiya, pomonaē xua Nacom pejume cowṅṅtsiwichi.

⁵ Barapomonaē jopa penaerabiwi tsipei barapomonaē bichocono pepa pejuṅṅu coyene xanepanaē jiwī, Nacom peitabaratha tatsi. Barapomonaē jopa xeinaeyo xua penatsicuenta siwa Nacom peitabaratha tatsi xua abe peexanae xae.

Meje yabara po diwesi xua cueicueije i acoibi poyobe matatsunpiwi

⁶ Bapoxonaē tan ichṅn matatsunpin xua pupuna itabocotha. Barapo matatsunpin capana pexeinya jume diwesi po diwesi xua ataya tsiteca, po diwesi xua jiwī pecapanenebiwatsi abe pia peexanaewan weya. Barapo diwesi daxita carepayan jiwī nexa: pomonaē daxita nacuanmonaēpiwi nexa, irṅno pomonaē tsicamonaēxiwi nexa, irṅno pomonaē barompaya icha jumein pecueicueije iwi nexa, irṅṅu daxita tomanpiwi nexano.

⁷ Barapon jume daunweya paeba, jeye: “Pacunuwiya jinompare Nacom xua beta painya ne-jume cowṅṅtsiwa. Yawano Nacom wṅnaē pajainde. Tsipei anoxuae nama barapo matacabi

patopa po mataqueitha Nacom yabara paebina jiwī xua penatsicuentsiwa xua abe peexanaexae. Wunaē pajainde pon exana itaboco, xuano xua exana pin mar mene, yawa exana ira buxupaana mene”, jei barapon pon jume daunweya paeba.

⁸ Ichun matatsunpin cotacaya patopa, bapon jeye: “¡Bayatha Babilonia tomarapiwi wetaxotsi po tomara pepa tomara, tsipei barapo tomarapiwi bichocono abe exana! ¡Barapomonaē cuiduba ichamonaē xua ichamonaē abe peexanaē coyene peexanaenexa xua penasi cui exanaewa tsane yabuxitha, xua iru pebiwitha!” jei matatsunpin.

⁹ Bapoxonaē ichun matatsunpin patopa, bapon jume daunweya jeye: “Icha ichun wunaē jainta ibo Corei nacomtha xua saya canaxoba yawa icha itapa tinatsi, yawa ichacuitha xua icha cobe juma tinatsi, bapoxonaē Nacom bichocono casebina bapon xua bapon casebinchi.

¹⁰ Bapoxonaē Nacom bichocono abe exanaena bapon. Baxua Nacom exanaena xua bayatha bapon peyabara nacui wunaetsixaetsi. Jopa juniya exanaē tsane poxoru bichocono Nacom yabara anaepana. Barapon bichocono atene tsane poxonaē Nacom tautsina barapon isototha, yawa xua po tsuxu, tsuxu daena, po tsuxu pewun azufre matawun. Nacom baxua exanaena pia matatsunpiwi peitabaratha tatsi yawa Cordero peitabaratha tatsi.

¹¹ Po isototha Nacom tautsina bapon, barapo iso tsuxu athabe jujuneibiyaena ataya. Barapo petautsiwa jopa itacupaē tsainchi xua pewetsiwa mataqueithano, yawa merawithano. Barapo isototha tautinchi pomonaē pon be Corei wunaē jain-

tatsi xuano xua barapo ibo Corei nacom w̄nae jaintatsi, yawano xua barapomonaē itapa tinatsi barapo Corei pia w̄antha tatsi”, jei matatsunpin.

12 Pomonaē exana dubenanaēbiya po coyene Nacom itoroba pia peitorobi coyenewantha, yawano xua Jesús beta jume cow̄anta dubenanaēbiyatsi, barapomonaē apara xaniwaicha Nacom piamonaē tatsi. Barapomonaē tsita itapeinya xeina xua Nacom piamonaētsi tsipei barapomonaē bepijawa jopa aitaconaeyo xua peewatsiwa pocotsiwa bexa Nacom exanaena pomonaētha, pomonaē abe exana Nacom piamonaētha tatsi.

13 Baroxonaē jume tan pejume xua peitaboco wenebaraichica. Nejei: “Baxua tinare: ‘B̄u bara j̄nt̄u coyene weiweina pomonaē jume cow̄antsiya werapaena Jesustha, pon jiwi Pecanamataxeinaein’, jei”, nejei.

Nacom pia Pejumope t̄nax̄u tatsi jeye: “Aa baxua. Yawa wetsina pia penacuichiwan po penacuichiwan Nacom taexainchi yawa nafifina ewatsina Nacom pia nacuatheicha. Po coyene xua barapomonaē j̄nt̄u coyene xanepana dubenanaēbiya, yawa po coyene xua barapomonaē beta taexana dubenanaēbiya xua ichamonae taexana dubenanaēbiyatsi, barapo j̄nt̄u coyene barapomonaē yawa ponaena Nacom pia nacua beicha tatsi”, jei Nacom pia Pejumope t̄nax̄u tatsi.

Meje yabara po diwesi xua matatsunpiwi cusin caucuboba po cae pin irathe tsique

14 Bapoxonae equeicha tan tsaquinaebowa xua inyapana. Barapo tsaquinaebo jumatha eca ponxae itaboco wetsica pona, ponxae Nacom peitapetsinxae. Bapon mataina tepa, yawa comaeca pocotsiwa be cusi xua xuiyoi.

15 Bapoxonae icha matatsunpin Nacom pin pia bo weya pona. Bapon jume daunweya wawai pon tsaquinaebo jumatha eca beya, jeye: “iBarapo cusi caucubobare yawa jore pocotsiwa xua naweta tsipei barapo matabi patopa, po mataqueitha naweta po cae pin irathe deque!” jei matatsunpin.

16 Bapoxonae pon tsaquinaebowatha eca yawa xua cusi comaeca, barapo cusi caucuboba po cae pin irathe, daxita canacui wetsiya exana.

17 Bapoxonae equeicha icha matatsunpin Nacom pin pia bo weya pona xua itaboco weya. Barapo matatsunpin cusi capona, po wato bi-chocono xuiyoi.

18 Bapoxonae equeicha icha matatsunpin pocotsiwa be pexaethopaewa weya pona ichaxota duwei tauteiba xua tuxusi exaneiba Nacom nexa. Barapo matatsunpin canamataxeina xua tauta pecana exanaewa. Barapo matatsunpin iru cusi xeina, po wato xuiyoi. Yawa bapon jume daunweya wawai icha matatsunpin beya pon iru pia wato xeina cusi. Bapon jeye: “iBarapo cusi caucubobare yawa nore uva peparun xua po cae pin irathe deque dubena tsipei bayatha naweta!” jei barapo matatsunpin.

19 Nexata barapoxonae barapo matatsunpin cusi caucuboba yawa nota uva peparun. Yawa barapo uva peparun bebaireca pin pecacubi fetotha xua pemene yucaenexa barapo uva cuei.

Icha jiton ichi xua bichocono daunweya cuba uva cuei, bara jata ichi Nacom jiwitha, xua poxonae bichocono atene exanaena jiwitha xua abe peexanaexae jiwi.

²⁰ Barapo uva cuei tomara juma beya cuba. Barapo pecacubi feto wetsina jujuina petsobia mera, be pocotsiwa pejana, beya xua cawayu ponxo jayeichatsi yawa xua iratha iya xua taju beya xua trescientos po kilómetrobe. Icha jiton ichi uva cuei xua tomara juma beya cuba Nacom jiwitha barichi tsane bichocono atene exanaena pomonaetha pomonae abe peexanaewitha, beya poxonae pejanan taju ayei tsoponae tsane.

15

Meje yabara po diwesi xua matatsunpiwi capana siete po coyenewabe xua po coyenewa peabe cui coyenewa

¹ Bapoxonae equeicha tan peitabocotha icha pin petsita itatsi coyenewa xua nebenaeca. Tan siete poyobe matatsunpiwi yawa xua cajjinca siete po cui coyenewabe xua po coyenewa peabe coyenewan. Poxonae weta xua exana barapo matatsunpiwi barapo siete po peabe cui coyenewabeta bapoxonae Nacom nacui weta xua poxonae anaya bichocono atene exana jiwi abe peexanaexae.

² Bapoxonae tan pocotsiwa be pin mene mar, po pin mene mar copiya tan. Barapo pin mene mar icha be bosibu muxupawa ichi xua penthiya. Yawa tan xua muxunaxuba pocotsiwa be isoto xua itadudubiya. Yawa tan pomonae amanayaba xua pon be Corei amanayabatsi. Barapomonae

jopa w_hnae jainchiyo pon be Corei yawa pon be ibo Corei nacom, yawano jopa itapa tinaetsi pon be Corei pew_hantha. Barapomonaе imoxoyo caquita umena barapo pin mar mene. Yawano barapomonaе caumena arpa mataw_hn xua pocotsiwa pecatanbabiwan xua Nacom catsiba.

³ Barapomonaе nax_hna Moisés pia wei tatsi, pon Nacom pia penacuichiwa tatsi taexainchi. Yawano barapomonaе nax_hna Cordero pia wei tatsi, barapo naxobe weibe jeye:

“Pata Nacom, pon jiwi Necanamataxeinaein, daxita xam exaname bichocono peainya cui coyenewa yawano bichocono w_hnae.

Xam pon, daxita neayapus_h itorobiya coyenewan xeiname.

Jinya coyenewan bara pexainyeiwan poxoru beta exaname.

Xam itorobiya neewatsin daxita carepaya nacuanpiwi.

⁴ Xam pon jiwi Necanamataxeinaein.

Daxita jiwi junuwiya cabar_h cui itura jinaena.

Yawano daxita jiwi w_hnae cajainchina tsipei saya meisa xam nej_hnt_h coyene xeicaem.

Daxita carepaya nacuanpiwi patsina xua w_hnae necajainchinexa tsipei barapomonaе bayatha tane

pocotsiwa xua betiya xanepanaya exaname”, jei barapomonaе.

⁵ Bapoxonaе equeicha tan peitabocotha Nacom pin pia bo. Po boyo tututha uncua barapo Nacom pin pia botha tatsi po boyotha ichaxota Nacom popona, barapo tutu nacoibo saranaxuba.

⁶ Barapo tutu weya matatsunpiwi pona pomonae xua siete poyobe yawa capona siete po coyenewabe xua peabe cui coyenewan. Yawano nama xataba paparuwan, po paparuwan bichocono inyapana yawano daedaena. Yawa naepa paba pocotsiwan be coreinya bocoton xua beya j̄ntacari jayabeinatsi.

⁷ Bapoxonae tan caein, xua jiwana barapo cuatro poyobe xua xuan as̄. Bapon barapo siete poyobe matatsunpiwi catsibatsi coroton xua w̄nba po coyenewan peabe cui coyenewan pocotsiwan Nacom exanaena, pon ataya popona.

⁸ Bapoxonae barapo tututha, bichocono pets̄x̄ w̄nca. Barapo ts̄x̄ Nacom pia xainya weya tatsi tapichapatsi pon peainya cuin yawa xua peayap̄us̄ itorobi coyenewa pexeinaein. Dapon aibi pon pecopatsiwatsi xua pejoniyaewa barapo tututha poxonae cataunxuae jopa wetsiyo barapo siete po coyenewabe po coyenewan peabe cui coyenewan xua matatsunpiwi capona.

16

Meje yabara po diwesi xua barapo corototha xeina siete po coyenewabe po coyenewa xua peabe cui coyenewan

¹ Bapoxonae jume tan xua jume daunweya wawai barapo tutu weya, xua wawai barapo siete poyobe matatsunpiwi beya, jeye: “Paponare po cae pin irathe deque, yawa barapo siete po coyenewabe po coyenewan xua peabe cui coyenewan xua xeina barapo coroton juntututha baxua paepababare bara bereca. Po coyenewan xua corontha tsijuntutha xeina baraxuan po

coyenein xua Nacom bichocono atene exanaena jiwi penatsicuentisixae xua abe peexanaexae Nacomtha”, jei.

² Matatsunpin pon xua ichaxota ba “uno”, jei, bapon copiya piawa epataba. Bapoxonae pomonae itapa tinatsi xua pon be Corei pewun tatsi, xuano xua wanae jainta ibo Corei nacom, bapomonae barapoxonae nainya xeina xua peaperubewan xua bichocono aperutane.

³ Bapoxonae equeicha icha matatsunpin pon ichaxota ba jei “dos”, jei, bapon piawa epataba pin mar mentha. Bapoxonae barapo pin mar mene bichocono mene janowanaya be poxonae xua petupaein boca. Barapo pin mar mentha daxita werapa xua xuan baxota jinompa.

⁴ Bapoxonae equeicha ichun matatsunpin pon xua ichaxota ba jei: “tres”, jei, bapon piawa epataba meneintha yawa ira buxupana meneintha, bapoxonae barapo menein be pejanan tsanaya.

⁵ Bapoxonae jume tan barapo matatsunpin xua yapucauncua barapo menein. Bapon jeye: “Nacom maisa xaniwaicha betiya yabara paebame poxonae atene exaname jiwi xua penatsicuentisixae xua barapomonae bichocono abe peexanaewi.

Bapana jopa abe exanaem.

Xam nejantx coyene xeicaem,

yawa xua pon anoxuae nepoponaem,

yawa xua pon caena bayatha nepoponaemno.

⁶ Tsipei barapomonae jinyamonae jutebatsi,

yawano tsipei jutebatsi pomonae

neitorobi jume pepaebiwi.

Daxota barapomonaē xuya werapa exaname,
 peyantomatsiwa exaname abe peexanaexae
 copiya”,
 jei barapo matatsunpin Nacomtha.

⁷ Equeicha ich_{un} jume tan pon cueicueijei pon uncuā ichaxota pocotsiwa be pexaethopaewa xua ichaxota tauteiba duwei xua tuxusi exaneiba Nacom nexa, bara weya jeye: “Xam, Nacom pon jiwi Necanamataxeinaem daxita peayapus_u itorobi coyenewan nexenaem. Tsipei xam yabara paebame xua jiwi penatsicuenta siwa xua abe peexanaexae daxota bewa atene tsane. Pocotsiwa xua exaname bara xaniwaicha betiya exaname, tsipei bapana jopa abe exanaem”, jei pon xua paeba.

⁸ Bapoxonaē equeicha icha matatsunpin pon ichaxota ba jei “cuatro”, jei, bapon piawa epataraba xometotha. Barapo matatsunpin xometo catatsi po coyene xua xometo exanaena xua jiwi petautsinexatsi xua xota bichocono atsa.

⁹ Bichocono daxita carepaya jiwi taxuatsi. Ichitha barapomonaē icha j_{unt}_u coyene jopa xenaeyo matautano Nacom jopa w_{un}_uae jainchichi, yawa barapomonaē Nacom abe yabara paebatsi yaitama Nacom xaina peayapus_uwa xua itoroba barapo coyenewan po coyenewan xua peabe cui coyenewa.

¹⁰ Bapoxonaē equeicha icha matatsunpin pon ichaxota ba jei: “cinco”, jei, bapon piawa epataraba pon be Corei pia peecaethopaewatha tatsi. Yawano barapon pon be Corei po coyene xua itoroba piamonaē jopa xapain piamonaē matacaponaeyo be pon xua pona poxonaē quireitha. Daxota piamonaē tatsi j_{unt}_u coyene

deideijeji. Barapomonaē peparaxaewa nawano sine.

¹¹ Jopa juniya exanaponaeyo barapo coyenewan po coyenewan xua peabe cui coyenewan, yawano cataunxuae barapomonaē exanapona xua Nacom abe yabara paebatsi po Nacom itabocotha eca. Daxota barapomonaē Nacom abe yabara paebatsi yaitama Nacom barapo peatene cui coyenewa itoroba yawano xua itoroba peaperatanewan.

¹² Bapoxonaē equeicha icha matatsunpin pon ichaxota ba jei “seis”, jei, bapon piawa epataraba po pin mene mentha pewan Eufrates. Barapo Eufrates mene namto naexaniya xua pepatsinexa pomonaē pocotsiwa werenepiwi pomonaē jiwi itorobiya pia pepa peewatsiwichi.

¹³ Nexata bapoxonaē tan xua pon be jomowabi, pon Joyoinya. Ir̄ tan pon ayei, pon be Corei. Ir̄ tan pon xua naerabiya jeye: “Xan Nacom peitorobi jume tapaebin”, pon jei. Daxita barapomonaē barompaya pia coiboton tsina tajujuinatsi acoibi poyobe cauri xua xuan be pocotsiwan cuei.

¹⁴ Barapo caurimonaē exana pexeinya petsita itatsi coyenewan. Barapo caurimonaē ponar̄c̄c̄pa xua penacaetuta exanaenexa daxita pomonaē jiwi itorobiya pia pepa peewatsiwichi. Baxua exana xua naba peexanaenexa po mataqueitha Nacom nabenabe pon jomowabi pon Joyoinya. Barapon Nacom daxita peayapus̄ itorobi coyenewan pexeinaein.

¹⁵ Nacom jeye: “Taema, jemeicha patopaein icha be pon pecaibin ichi poxonaē jemeicha

patopa. Juntu coyene weiweina pon xua yoyoca tsipei nama xatata paparuwa xua jopa petamsa ponaenexa jiwi itutha xua bapon petaewatsi daxita pia pepon”, jei Nacom.

¹⁶ Daxita pomonae jiwi itorobiya pia pepa pecanamataxeinaewichi, barapomonae nacaetuta ichaxota po iratha pewun Armagedón xua hebreo jumetha. Barapo iratha nacaetuta xua naba peexanaenexa xua po mataqueitha Nacom nabenabe pon be jomowabi, pon Joyoinya.

¹⁷ Bapoxonae equeicha ichun matatsunpin pon ichaxota ba jei “siete”, jei, bapon piawa epataba barapo irathe matatsun susatotha. Bapoxonae itabocotha xua tutu wetsica ichaxota Nacom pia pexeinya peecaethopaewatha baxota jume tan pon xua jume daunweya cueicueijeiya jeye: “Bara bayatha nacui xainwaetaba”, jei pon xua paeba.

¹⁸ Bapoxonae bichocono jerajerei itabocotha, yawa pejumein, yawa bichocono jurujurei. Matautano bichocono ira jijiyata beyacaincha xua poxonae ira jijiyateiba poxonae copiya jiwi aena naexana po cae pin nacuathe xua beya anoxuae.

¹⁹ Po tomara, pepa tomara barapo tomara ainya wanbe exanabe poxonae baxua ira jijiyata. Icha iranthe barichi baxota tomaran abe exana. Nacom yabara nanta xeina Babilonia tomara tsipei barapo tomarapiwi abe peexanaewi. Daxota Nacom barapo pepa tomara abe exana poxoru bichocono anaepana barapomonaetha.

²⁰ Daxita petunaeton yawano daxita demxuwan aichurubena xua ira pejjijiyatsixae.

²¹ Barichino itaboco weothopeica xua jiwi

matatsun othopeicatsi pocotsiwan dederawa xua xuan benata ichaxota po eman bichocono aque. Barapo pedederawiwān bichocono arewe. Bapoxonae barapo jiwi Nacom bichocono abe yabara paebatsi yaitama Nacom itoroba barapo pedederawiwān pocotsiwa bichocono abe barapomonae nexa.

17

Meje yabara po diwesi xua Nacom itaweta powa xua bichocono penasi cui matacaetsiwa xua weiweina pia paratixichi powa xua yabara caunutatsi Babilonia tomara

¹ Nexata bapoxonae taxantha patopa caein matatsunpin jiwana, po matatsunpiwi siete poyobe yawa xua siete xoyobe matacaetsiwa capona coroton. Bapon nejei: “Anetha catsita itutinchī xua yabayo powa bichocono penasi cui matacaetsiwa xua weiweina. Barapowa eca ichaxota pin mar mene, powaxae xua yabara caunutatsi Babilonia tomara.

² Pomonae jiwi itorobiya pia pepa peewatsinchi barapo cae pin nacuathe barapomonae yawa muxuna abe nanabarū exana bapowa. Matacatano daxita carepaya pomonae po cae pin irathe jinompa barapo coyene exana bara jupa, icha barapomonae ichi. Barapowa cana exana xua barapo jiwi abe exana, tsipei barapo jiwi ichichipa po penasi cui matacaetsiwa bapowa exana”, nejei matatsunpin.

³ Poxonae cataunxuae Nacom pia Pejumope tunaxū tatsi netsita ituta baxua, bapoxonae matatsunpin necapana ira xuepana susato tsurucuae

nacua beya. Baxotiya petsiriwa tan xua eca pon ayei pon be Corei bapon pejumatha, xua pon tso-bia. Bapon daxita carepaya pepontha tinaduba po jumein xua Nacom abe yabara paebatsi. Yawano bapon siete po matasipabe xeina yawa diez po pentetobe xeina.

⁴ Bapowa nama xatata paparuwa, po paparuwa m_u s_ujei yawa m_u tsobia. Bapowa yawa napepena xua pocotsiwan pew_un oro nain, yawano be ibotixi xua pocotsiwan ainya matoman, yawano po warowa xu inyapana xua po warowa xu pew_un perla. Barapowa pecobetha xeina coroto penain coroto xua oro nain yawa w_unta pocotsiwan xua be mara, yawa barapowa pia penasi cui matacaetsi coyene xua weiweina.

⁵ Powa xua yabara caunutatsi Babilonia tomara, barapowa peitapatha tinaduta pew_un, po w_un jiwi jopa yabara yaputaeyo. Barapo w_un jeye: “Powa xua yabara caunutatsi pepa Babilonia tomara, bapowa be coxiwa natsicotane, xua powaxi nasi cui matacaeta xua weiweina barapowaxi pena tatsi. Mata_uta bapowa daxita pomonae xua bichocono abe peexanaewi barapomonae pena tatsi”, jei xua tinaduta.

⁶ Pirapaeyo jume tan xua barapo Babilonia tomarapiwi yabara jeichi: “Icha pebin ichi xua peatsaxae mera bichocono c_upatsi, barapo Babilonia tomarapiwi barapocotsi coyeneya j_uta ichiya exana. Baxua exana, tsipei barapo Babilonia tomarapiwi juteba pinmonae pomonae Nacom pijimonae tatsi, ir_u pomonae Jesús pejume diwesi pepaebiwi”, yabara jeichi barapo Babilonia tomarapiwi.

Poxonae tan xua barapo tomarapiwi be cꝝpatsi bichocono, yabara nabenaecan bapoxonae.

⁷ Bapoxonae matatsunpin nejei: “¿Eta xua metha nabenaecame? Yabara cayaputane exanaeinchi bapowa xua pocotsiwa jopa yaputaem. Yawano yabara cayaputane exanaeinchi barapon pon be Corei, pontha xua bapowa eca peꝝmatha. Bapon siete po pentasipabe xeina xuano xua diez po pentetobe xeina.

⁸ Barapon pon be Corei pon taneme caena bayatha popona barapo cae pin nacuathe. Anoxuae jopa poponaeyo. Ichitha bexa tsane juinaena po mꝝthꝝ bichocono pin mꝝthꝝ tsina. Bapoxonae nama yatsicaewa weweracaena. Bapoxonae jinompaena jiwi barapo cae pin irathe. Barapomonae jopa wꝝn dubenaeyo Nacom pia diborotha tatsi, po diborotha xua jei: ‘Pomonae wꝝn dubena barapo diborothe jopa weweracae tsane’, jei. Barapo jiwi caena bayatha jopa wꝝn tinaetsi barapo diborotha. Barapo jiwi poxonae taena barapon xua taeinchi pon be Corei bichocono najꝝntꝝ coyene cabenaecaena. Daxota najꝝntꝝ coyene cabenaecaena tsipei caena bayatha popona, xua anoxuae ajibi ichitha equeicha bexa patopaena xua peponaewa tsane barapo cae pin irathe”, nejei matatsunpin.

⁹ Equeicha matatsunpin nejei: “Meje tha xua paebichi xua ichamonae itacꝝpatsi peyabara yaputaewa baxua: Barapo siete po pentasipabe xua pon be Corei, barapo siete matasipabe demxuan yabara caunuta xua po matasipantha ichaxota barapowa peꝝmatha eca, powa xua Babilonia tomara yabara caunutatsi. Barichi barapo

siete po pentasipabe xua pon be Corei, yabara caunutatsi pomonae jiwi itorobiya pia pepa peewatsiwichi.

¹⁰ Cinco poyobe barapomonae pomonae jiwi itorobiya pia pepa peewatsiwichi bayatha naitapataya werapoinca. Caein anoxuae barapo siete poyobe jiwana matacapona po cae pin irathepiwi, ichan bexa tsane patopaena xua matacaponaena barapo cae pin irathepiwi. Ichitha poxonae bapon patopaena jopa ainya dapaein matacaponae tsane po cae pin irathepiwi.

¹¹ Bapon pon be Corei pon caena bayatha popona xua anoxuae jopa poponaeyo, bapon ichaxota ba jei: ‘ocho’, jei, bapon pon jiwi itorobiya pia pepa peewatsinchi naexanaena po cae pin irathepiwi nexa, bequein bapon caena bayatha tupa xua barapo siete poyobe jiwana. Bapoxonae nama equeicha weweracaena poxonae tupaena”, nejei matatsunpin.

¹² Equeicha matatsunpin nejei: “Barapo diez po pentetobe xua taneme xua po penteton yabara caunutatsi pomonae jiwi itorobiya pia pepa peewatsiwichi, barapomonae cataunxuae jopa patsiyo xua itorobiya peewatsinexatsi po cae pin irathepiwi. Ichitha po peitorobi coyenewa barapomonae catsibinchi xua saya bara caeto itorobiya ewatsinchi po cae pin irathepiwi xua iru barapon pon be Corei itorobiya ewatsina.

¹³ Barapo diez poyobe pomonae piamonae itorobiya pepa peewatsiwi peburaya nanta xeinarucupa. Matautano barapo diez poyobe pomonae piamonae itorobiya pepa peewatsiwi pia peayapusya exanaewan pon be Corei catatsi,

yawano peayapusu itorobi coyenewa catatsi.

¹⁴ Daxita barapomona pomona diez poyobe, pomona piamona itorobiya pepa peewatsiwi iru pon be Corei, Cordero butsi. Ichitha barapo Cordero amanayabina daxita barapomonaetha. Tsipei barapon pon jiwi pia pepa Pecanamataxeinaeinchi pia peayapusu itorobi coyenewa xeina beyacaincha xua ichamona xeina pomona jiwi pecanamataxeinaewichi. Matautano bapon pon Corderoxae jiwi itorobiya pia pepa Peewatsinchi tatsi pia peayapusu itorobi coyenewa xeina beyacaincha xua ichamona xeina pomona jiwi itorobiya pia pepa peewatsiwichi xua iru xeina pia peayapusu itorobi coyenewa. Pomona Cordero nabaru yawenatsi xua poxona amanayaba barapomonaetha, Nacom waba barapomona poxoru Nacom pia peitapetsiwichi tatsi, matautano tsipei exana pocotsiwa Nacom itoroba”, nejei matatsunpin.

¹⁵ Equeicha barapo matatsunpin nejei: “Xua xam po menein taneme mar menein xua ichaxota yabuyo eca pon be Corei peumatha, barapo mar menein yabara caunutatsi be tomaramonaepiwi, xua yabara caunutatsi tsicamonaexipiwi, yawano yabara caunutatsi pomona icha jumeintha pecueicueijiwi, yawano yabara caunutatsi daxita nacuanpiwi.

¹⁶ Bayatha taneme barapon pon be Corei diez po pentetobe, po penteton yabara caunutatsi diez poyobe pomona jiwi itorobiya pia pepa peewatsiwichi. Barapomona pomona jiwi itorobiya pia pepa peewatsiwichi barapowa bichocono casebinchi powa pesi cui weiweinaewa. Yawano

wecobe pitinchi xua bapowa pia peitorobi coyenewa tatsi yawano jumasa xubinchi. Yawano barapomonaē wi xaena, xua bapowa wi xaeinchi. Bapoxonaē bapowa pia pepon tautinchi isototha.

¹⁷ Nacom itoroba xua barapomonaē pia pejuñtu coyenetha peexanaewa tsane xua pocotsiwan Nacom ichichipa. Daxota barapomonaē pomonaē jiwi itorobiya pia pepa peewatsiwichi pomonaē diez poyobe, pebũrũya nanta xeinarũcupa xua barapomonaē pia peayapusũ itorobi coyenewanxae tatsi pon be Corei catsinchi. Baxuan catsina beya abũ poxonaē wetsina pocotsiwa Nacom bayatha paeba.

¹⁸ Petsiriwa powa taneme xua powa nasi cui matacaeta xua weiweina, bapowa cayabara caunutatsi: ‘Po tomara pepa tomara’, jei. Pon itorobiya pepa peewatsin xua barapo pepa tomaratha, bapon itoroba daxita ichamonae pomonaē jiwi itorobiya pia pepa peewatsiwichi pomonaē barapo cae pin nacuathepiwi itorobiya ewatatsi”, nejei matatsunpin.

18

Meje yabara po diwesi xua daxita omeicha cayabara wetapentatsi Babilonia tomarapiwi xua muxuna tomarano

¹ Bapoxonaē equeicha tan ichũn matatsunpin xua pon peitaboco wetsica pona po cae pin irathe tsique. Barapo matatsunpin xeina ainya peayapusũ itorobi coyenewan. Bapoxonaē bapon exana xua ira bichocono pentha tsurucuae xua pia pepon weya cueicha pona.

² Yawano bapon jume daunweya wawai, jeye:

“¡Bayatha Babilonia tomarapiwi
 wetapentatsi yawa tomara abe
 exanatsi, po tomara pepa tomara!
 ¡Yawano anoxuae caurimonae baxota jinompa!
³ Tsipei daxita carepaya nacuanthapiwi
 bichocono abe exana, po abe peexanae
 coyenewa pocotsiwa xua barapo
 Babilonia tomarapiwi exana.
 Yawano pomonae jiwi itorobiya pia pepa
 peewatsiwichi barapomonae cuiduba piamonae
 xua abe peexanaewa tsane icha barapo
 Babilonia tomarapiwi ichi xua abe exana.
 Yawano pomonae pecaenaetsiwi piawan,
 bapomonae
 xuya copei pexeinaewi naexana, tsipei barapo
 tomarapiwi copei ayei ichichipa xua beta
 pejinompaewa tsane”, jei matatsunpin.
⁴ Bapoxonae equeicha ichawa jume tan xua
 wawai itabocotha, jeye:
 “Pomonae tamonaepiwi pam, barapo tomara
 weya
 paponarucupare, xua jopa abe painya
 neexanaenexaru icha barapo tomarapiwi
 ichi xua bichocono abe peexanaewi.
 Bapoxonae Nacom jopa paca atene exanae tsane
 icha bayatha ichichi xua atene exainchi
 barapo Babilonia tomarapiwi.
⁵ Tsipei barapo abe peexanae coyenewan
 xua barapo tomarapiwi exana bichocono
 ayei xua daxota Nacom pon itabocotha
 peecaein tane baxuan.
 Daxota Nacom yabara nanta xeina
 xua atene exana barapomonaetha.

⁶ Barabꝰ ichamonaꝰ jꝰpa exanaena
 barapomonaetha, icha be pocotsi coyeneya
 xua bapomonaꝰ abe taexana ichamonaetha.
 Barabꝰ barapomonaꝰ pentoma catsibinchi
 xua po pentoma equeicha mataropataba
 xua peatenewa.

Barabꝰ barapomonaꝰ bichocono atene tsane,
 icha be pocotsi coyeneya xua poxonaꝰ
 barapomonaꝰ atene taexana ichamonaetha.

⁷ Pocotsiwa xua bapomonaꝰ exana xua atsaca
 naexana xua penasi cui matacaetsi jiwi naexana,
 barabꝰ barapomonaꝰ bichocono atene tsane,
 yawa wecoyei tsane.

Tsipei bapomonaꝰ pia coutha natsipaeba, jeye:
 ‘Waxainchi xote enatsi.

Waxainchi jopa dapomonaetsi pomonaetsi
 pomonaꝰ

waseuri jiwi wanaca cuenta werapaewi.

Matautano waxainchi pomonaꝰ jiwi
 itorobiya pia pepa peewatsi jiwichi, jopa
 bichocono atene tsainchi’, jei bapomonaꝰ.

⁸ Daxota saya caentaqueitha tsane jopaena po
 coyene xua abe peexanaewa tsainchi bapomonaꝰ,
 xua bichocono peperaxa jꝰbiwa tsainchi,
 matautano xua pejainpaewa tsane bichocono,
 yawano xua petautsiwa tsainchi xua werapaena.
 Tsipei Nacom pon pepa Pecanamataxeinaein jiwi
 peayapusꝰ itorobi coyenewa xeina, yawano
 bapon pia coutha yabara paebina po coyene xua
 tsitatsi xua bapomonaꝰ natsiaenaꝰ cuenta
 abe peexanaexae”, jei matatsunpin.

⁹ Pomonae jiwi itorobiya pia pepa peewatsiwichi xua po cae pin irathe, pomonae xua bayatha iruru abe exana poxonae barapo Babilonia tomarapiwi abe exana, barapomonae bichocono wecoyei tsane poxonae xua taena iso tsuxu xua poxonae barapo Babilonia tomarapiwi tautsinchi.

¹⁰ Barapomonae tajū wetaeumeinyaena poxoru cunuwa xua pocotsiwa Nacom cana exanaena barapo Babilonia tomarapiwi. Barapomonae pomonae jiwi itorobiya pia pepa peewatsiwichi najei tsane:

“¡Pai jaibo Babilonia tomarapiwi pam tsobenae!

¡Babilonia tomara tsocuaem!

Bequein pepa tomara tsocuaem, ichitha saya

bara cae horatha barapo tomaram omeicha

Nacom cawetaxubina”, najei tsane barapomonae.

¹¹ Daxita pomonae caenaeta piawan barapomonae bichocono wecoyei tsane xua barapo Babilonia tomara siwa wecoyeichi tsainchi tsipei barapomonae jopa xeinae tsane xua comocaeinchi xua pia pecaenaetsiwan.

¹²⁻¹³ Barapomonae xua pocotsiwan caenaeta dubenanaebiya baxue: xua pocotsiwan pewun oro nain matawun, yawano xua pocotsiwan penainwan xua plata nain matawun, yawano xua ira baxupana iboton xua bichocono ainya matoman, yawano xua pocotsiwan be warowaxu pocotsiwan perla matawun, yawano papaburu pocotsiwan bichocono ainya matoman pocotsiwan seda matawun, yawano po paparuwan mu sūjei, yawa xua xuan mu tsobia; yawano napaewan, po naein xua bichocono tuxuei; yawano xua ichawan weya forobano

xua pocotsiwan marfil matawun, yawano xua ichawan weya forobano xua naewan xua po naewan bichocono ainya matoman, yawano xua ichawan weya forobano xua pocotsiwa bronze nain matawun, yawano xua ichawan weya foroba xua penainton, po penainton hierro nain matawun, yawano xua ichawan weya foroba xua iboton, po iboton mármol ibo matawun; yawano capana po petuxueiwan canela tseboco matawun, yawano ichawanno capana xua ichawan xua petuxueiwan; yawano capana icha petuxueiwan xua incienso xua po tuxusi tuxueiwa benata poxona taxua exana, yawano icha petuxueiwa pocotsiwan be mauto xua jiwi tauta petuxusi tuxuei exanaenexa, yawano icha petuxueiwanno; yawano vino meran, yawano penasiwan, yawano pebenon xua trigo xu benon, yawano pepa xu xua trigo xu; yawano jota duweimonaein, ovejamonaein, cawayumonaein, yawa caronaemonaein, xua cawayu pecaponae naexi, yawano jiwino capoinchi pecaenaetsinexatsi xua pomonae jiwi pebusi cui tatayebeibiwichi peexanaenexa tsainchi.

¹⁴ Barapomonae jei tsane xua barapo Babilonia tomarapiwi yabara jei tsainchi:

“¡Anoxuae jopa paxeinaem pethei, po pethei ainya matoman po pethei paichichipame bichocono!

¡Anoxuae nama pacata aichurubena xua copei xeina painya nenaexanaewam xua bara ataya tsane!” jei tsane.

15 Pomonae xua caenaeta dubenanaebiya pocotsiwan xua ainya matoman yawa xua cobe caewita paratixi xua barapo tomarapiwi cobe caewitatsi, barapomonae taj_u wenewatumendena xua abe peexanaeyainwatsi xua Nacom exanaena. Barapomonae bichocono wecoyei tsane.

16 Barapomonae jei tsane:

“¡Pai jaibo pepa Babilonia tomara tsobenae!
Xam Babilonia tomaram bichocono pexeinya tomaram, icha yab_uyo ichi xua pexeinyawayo poxonae paparuwa nama xatata po paparuwa bichocono s_ujei yawa bichocono tsobia.

Yawano bapowa napepena xua pocotsiwa pew_un oro nain yawa xua be ibotixi xua pocotsiwan ainya matoman yawano po warowa xu xua inyapana xua pew_un perla.

17 ¡Saya bara cae horatha daxita aichurubena xua xuan barapo tomara xeina!”

jei tsane barapomonae.

Pomonae jera pecanamataxeinaewi, yawano pomonae xua napona xua warapa icha tomaratha nexa, ir_u pomonae petanacuichiwi barapo jera naeintha, ir_uno pomonae nacuita jeratha, daxita barapomonae taj_u wenecotumendena.

18 Poxonae barapomonae tane xua iso ts_ux_u xua barapo Babilonia tomara tautatsi, barapomonae jume daunweya wawai, jeye: “Icha pepa tomara aibi po tomara w_unae pocotsi tomara icha Babilonia tomara ichi”, jei.

19 Barapomonae pia cui xeina xua tsorobotha nantatsaeba poxoru bichocono wecoyei. Wawaya jeye:

“¡Pai pepa Babilonia tomara tsocuae!
 ¡Anoxuae jopa peraichiwa xua pocotsiwan bayatha
 jera wunbatsi xua copei xeina naexainchi
 xua poxonae naca comoca barapo tomarapiwi!
 ¡Daxita baxuan caayawachurucuae
 exainchi tomara!” jei barapomonae.

²⁰ Ichitha paxam pomonae itabocotha
 painya nejinompaewi pam iru pomonae
 tamonae pam, iru pomonae Jesús pia
 peitorobiwi tatsi pam, iru pomonae Nacom
 peitorobi jume pepaebiwi pam.

Daxita barapomonae pam, pajuntu coyene
 weiweinare xua pacata peichurucuaexae
 barapo Babilonia tomara.

Nacom xuya abe exana barapo Babilonia
 tomara tsipei bayatha barapo tomarapiwi
 pacata abe exana.

²¹ Bapoxonae matatsunpin pon bichocono pia
 peayapusu itorobiwa xeina, bapon pita iboto, po
 iboto bichocono pin iboto xua be pocotsi ibototha
 jiwi cuba trigo xu. Bapoxonae barapo matatsun-
 pin xuba barapo iboto pin mar mentha. Bapon
 jeye:

“Icha barapo iboto ichin xua xuban barapo
 pin mar mentha, Nacom barichi wetaxuba
 barapo Babilonia tomara xua equeicha
 jiwi jopa petaewa tsane.

²² Yawano bapana equeicha jiwi jopa jume
 tae tsane xua petanbabiwan busin xuan
 pewun arpa matawun, yawano xuan po
 peobiwa jumein pewun flauta matawun,
 yawano icha peobiwan jumein xuan
 pewun trompeta matawun.

Matautano jopa tae tsane pomonae xua
barompaya piawan penata exanae jiwi.

Matautano jopa busi tae tsane barapo
pin tomaratha xua busi

xu yacatoyeraba trigo xu xua pin ibototha.

²³ Matautano jopa yonoyonei tsane pecoichan.

Matautano jopa jume tae tsane xua pin
penabanaewa exana xua poxonae
pebin pecotsiwa pita.

Pomonae pecaenaetsiwi barapo pin tomaratha
bichocono copei pexeinaewi xua daxota
daxita nacuanpiwi yabara cui yaputane
xua barapomonae peainya cui jiwi.

Barapomonae pomonae Babilonia tomarapiwi
itacupatsi xua daxita nacuanpiwi
muxuitorobatsi mara peexanaewi pia
coyenyatha xua daxota iru abe
peexanaenexa tsane, icha barapo Babilonia
tomarapiwi ichi xua abe exana”,
jei matatsunpin.

²⁴ Nacom weraweraca exanaena barapo
tomara. Barapo tomarapiwi Nacom tsitatsi
xua barapomonae penatsicuentsiwa xeina xua
ichamonae pejutebixaetsi, pomonae Nacom
pia peitorobi jume pepaebiwi, iru pomonae
Nacom pejume cowuntsiwichi tatsi yawano
daxita pomonae bayatha jutebatsi po cae pin
nacuanthepiwi xua ichamonae juteba icha
tomarantha.

19

¹ Bapoxonae peitabocotha jume tan xua juinya
pinmonae jeye:

“¡Barabũ Nacom wũnae jainatsi, Nacom naca capanepa abe waexanae coyenewan weya!
 ¡Maisa Nacom pexeinya jũntũ coyene pexeinaein!
 ¡Maisa Nacom bepa juniya xeinae peayapusũ itorobi coyenewa!

² Nacom wũnae jaintatsi tsipei bapon Wanacom.
 Poxonae yabara paeba jiwi xua penatsicuentisiwa xua abe peexanaexae, bara beta xaniwaicha exana.
 Yawano bapon bichocono atene exana barapowa powa xua penatsicuentisiwa xeina xua abe peexanaexae.
 Bapowa penasi cui matacaetsiwa xua weiweina pebiwitha pia paratixichi.
 Barapowa yabara caunutatsi Babilonia tomara po tomaramonae xua penatsicuentisiwa xeina xua abe peexanaexae icha bapowa ichi.
 Bapowa bayatha cuiduba barapo cae pin nacuapiwi xua irũ abe exana icha xua barapowa ichi.
 Tsipei bapowa Nacom pijimonae tatsi jutebatsi daxota xuya Nacom pijimonae yantomata xua poxonae bapowa bexotsi powa peyabara caunutsixaetsi Babilonia tomarapiwi”, jei xua juinya pinmonae.

³ Barapo pin ayei jiwi jeye:

“¡Barabũ Nacom wũnae jaintatsi!
 ¡Iso tsũxũ xua bapomonae tautatsi barabũ bapana jopa athabe jujuinae tsane xua pepu ataya tsane!” jei barapomonae xua juinya pinmonae.

⁴ Bapoxonae veinticuatro poyobe pomonae pitiri jiwi, irũrũ cuatro poyobe xua xuan asũ

daxita barapomonaē irabe taeumenareca xua Nacom wɥnaē pejainchinexa tsainchi, jeye: “¡Je bara ichi tsane! ¡Barabɥ Nacom wɥnaē jaintatsi!” jei daxita barapo matabɥxɥmonaēbe.

⁵ Bapoxonaē Nacom pia pexeinya peecaethopeibiwatha, jume tan pejume, xua jeye:

“¡Daxita pam, pomonaē Nacom pata exaname, Nacom pon pata Nacom, wɥnaē pajainde! ¡Iɥrɥ pomonaē paexaname pocotsiwa Nacom paca itoroba, Nacom wɥnaē pajainde! ¡Iɥrɥ pomonaē peacopeibi jiwi iɥrɥ pomonaē copei pexeinaē jiwi, daxita paxam Nacom wɥnaē pajainde!” jei pejume xua paeba.

Meje yabara po diwesi xua poxonaē jiwi tsinacaetuta pexaewa penabanaenexa poxonaē Cristo, pon Cordero, pecotsiwa nacueyaba

⁶ Yawano jume tan peitabocotha xua pejumein be pin bicheitomonaē be poxonaē xua ainya pin mar menein busin, yawano be xua xuan yamɥxɥ jurujurei. Barapo jumein jeye:

“¡Barabɥ Nacom wɥnaē jaintatsi pon jiwi Pecanamataxeinaein! Bapon nama anoxuae tamropata pitaba xua daxita carepaya nacuanthapiwi itorobiya ewatsinchi.

Bapon xeina daxita coyenewan xua pia peayapusa itorobi coyenewan.

⁷ ¡Jɥntɥ coyene weiweinatsi yawano jacobatsi, jeichichi: ‘Maisa pexeinya jɥntɥ coyene pexeinaein’, jeichichi!

Baxua bewa exanaetsi tsipei patopa matabi
 poxona po matabitha jiwi tsinacaetuta
 pexaewa penabanaenexa poxona pon
 Cordero, piowa nacueyaba.

Barapon pon Cordero, pecotsiwa tatsi nacui
 xainwaeta, poxona po matabitha jiwi
 pin penabanaewa tsinacaetuta xua
 penabanaewa tsane.

⁸ Barapowa copatatsi xua penama xatatsinexa
 paparuwa, po paparuwa bichocono
 pexeinya paparuwa.

Barapo paparuwa bichocono inyapana yawa
 xua bichocono mu daedaena.

Barapo pexeinya paparuwa caunuta xua po
 coyenein Nacom pia peantobewichi tatsi exana
 xua po coyenein Nacom tsita xanepanatsi.

Barapo yabayo yabara caunutatsi Nacom
 pijimona tatsi, pomona Nacom pejume
 cowantsixaetsi”, jei barapo pin bicheitomona.

⁹ Bapoxona matatsunpin nejei: “Tinare xu-
 aje: ‘Bichocono juntu coyene weiweina pomona
 Nacom waba poxona pin penabanaewa tsi-
 nacaetuta xua penabanaewa tsane poxona pon
 Cordero, nacueyaba pecotsiwa’, jande poxona
 xua tiname”, nejei barapo matatsunpin. Equeicha
 nejei: “Daxita po jumein xua catsipaebatsi barapo
 jumein xaniwaicha Nacom paeba”, nejei barapo
 matatsunpin.

¹⁰ Bapoxona barapo matatsunpin petaxutha
 irabe taencuarecan xua wuna tajainchinexa.
 Ichitha bapon nejei: “¡Bara! Jopa baxua neex-
 anaende. Aparaxan iru ponxaein Nacom pi-
 awa taexanaein, icha xam ichim xuano xua icha

jinya jiwimonaе ichi pomonaе Nacom pejume cowantsiwichi, xuano xua jume cowanta dubenanaebiya pocotsiwan xuan Jesús paeba. Jame Nacom bapon wunaе jainde”, nejei matatsunpin.

Baxuan xuan pocotsiwan Jesús paeba xua xuan pexainyeiwan, baxuantha yawenatsi nawita pomonaе Nacom peitorobi jume pepaebiwi.

Meje yabara po diwesi xua pebin equeica cawayutha, pon pemainyan

¹¹ Bapoxonaе peitabocotha tan xua naitaboco yausaranaxuba. Baxota naitata cawayu, pon pemainyan. Pon xua cawayutha equeica, wun dutatsi, jeichichi: “Pon xua pejume cowanta ducua-naebiyaein, yawano xua xaniwaicha pepaebin”, jeichichi. Bapon xainyeya betiya yabara paeba jiwi xua penatsicuentsiwa xua abe peexanaexae. Matautano bapon xainyeya betiya exana poxonaе naba ichamonaetha.

¹² Bapon peitamaiqueito be isoto itareto xua yonoyonei. Yawano bapon nantatsun etounya pentasipatha ainya tepan. Yawano bapon tinaduta pewun po wun xua saya meisa bapon wun yaputane.

¹³ Yawano nama xatata paparuwa, po paparuwa pejanan dubena be poxonaе xua jautuxuba pejanatha. Bapontha Nacom wun duta: “Nacom Pejume”, jei.

¹⁴ Bapon puna poinchi soldadomonaе itabocopi soldadomonaе, pomonaе Nacom pia soldadomonaе tatsi. Barapo soldadomonaе pexinya paparuwan nama xataba xua xuan mн

inyapana, yawa xua axuiruibi. Yawano barapomonaē eneica cawayumonaēintha xua xuantha pemaīnyawantha.

¹⁵ Barapon pon mata capana pia soldadomonaē pecoiboto tsina tapichapeinatsi cusi, po wato bichocono xuiyoi. Bapon barapo watotha ucuboba xua jiwi ucubobatsi, pomonaē po irathe jinompe. Yawano bapon ajumeyapusa yua itorobi ewatsina jiwi. Yawano bapon daunweya yabara paebina jiwi xua penatsicuenta siwa xua abe peexanaexae, icha jiton ichi xua daunweya nataxu tsapabata uba uva cuei xua vino mera pia exanaetsi. Bapon bichocono atene cana exanaena pomonaetha pomonaē jopa pejume cowantsiwichi, tsipei bichocono Nacom caseba barapomonaē. Barapon Nacom pia peayapusa itorobi coyenewan xeina xua jiwi peperaxa exanaewatsi.

¹⁶ Bapon nawun tinaduta pia pejumainawatha, yawa nawun duta pethotha xua po wun jeye: “Pon Corderoxae jiwi itorobiya pia pepa Peewatsinchi tatsi, pia peayapusa itorobi coyenewa xeina beyacaincha xua ichamonaē xeina pomonaē jiwi itorobiya pia pepa peewatsiwichi xua iru xeina pia peayapusa itorobi coyenewa. Matautano bapon pon jiwi pia pepa Pecanamataxeinaeinchi pia peayapusa itorobi coyenewa xeina beyacaincha xua ichamonaē xeina pomonaē jiwi pia pepa pecanamataxeinaewichi”, jei barapo wun.

¹⁷ Bapoxonaē matatsunpin tan xua xometo coichatha uncua, bapon jume daunweya wawai peyapupunaewi beya xuan jinompa itabocotha, jeye: “Anetha xua painya nexaewa tsane Nacom

pin pia penabanaewa.

¹⁸ Barapo penabanaewan paxaema, xua pomonae jiwi itorobiya pia pepa peewatsiwichi pewi, yawano soldadomonaē pia pentacapon-aewi tatsi barapomonaē pewi, yawa pomonae peamanayabeibi jiwi barapomonaē pewi, yawa cawayu pewi, yawa pomonae xua eneica pewi. Daxita xua iruru ichamonaeno barapomonaē pewi. Iru pomonae penata exanaewi pia coutha barapomonaē pewi, ichacuitha xua iru pomonae amanaya petanacuichi jiwi barapomonaē pewi. Iruno pomonae jiwi pebusi cui tatayebebiwichi barapomonaē pewi, iruno pomonae copei pexeinaewi barapomonaē pewi”, jei matatsunpin.

¹⁹ Bapoxonaē tan pon ayei pon be Corei, yawano tan pomonae jiwi itorobiya pia pepa peewatsiwichi xua baru pona pia soldadomonaēin. Daxita barapomonaē nacaetuta xua nantiya penabinexa tsane pontha pon pia soldadomonaē matacapona xuano yawa pia soldadomonaēintha tatsi petanabinexa tsainchi.

²⁰ Barapon pon ayei, pon be Corei, bapon maxu cubiya waetabatsi iru maxu cubiya waetabatsi pon naerabiya jeye: “Xan Nacom peitorobi jume tapaebin”, jei, pon xua petsita itatsi coyenewan exana xua pon be Corei taexanatsi xua pon be Joyoinya pia peayapusu itorobi coyenewatha tatsi. Barapo petsita itubiwantha bapon jiwi muxuitorobatsi xua barapo jiwi peitapa tinaewa tsainchi barapon pon be Corei pewantha tatsi. Yawano jiwi itorobatsi xua wunaē pejainchiwa tsane ibo Corei nacom. Barapon pon be Corei

irurū pon xua naerabiya jeye: “Xan pon Nacom peitorobi jume tapaebin”, jei baponbe Nacom cana exana xua itowa pexubiwa tsainchibe ichaxota isoto pucuatha. Barapo pucua ataya tsitecaeya taxuncua bichocono aitareyapusū tsuncuae po peitare pewūn azufre matawūn.

²¹ Irurū daxita ichamonaerū jutebatsi cusitha, po watotha xua pecoibotha tapichapeinatsi pon xua matacapona pia soldadomonaē. Daxita pepupunaewi bichocono tonsana pewi xaexaetsi pomonaē xua jutebatsi.

20

Meje yabara po diwesi xua Cristo itorobiya ewatsina jiwī mil po weibetha

¹ Bapoxonae tan matatsunpin xua peitaboco wetsica pona, bapon catatsi po coyenetha xua itacūpatsi xua pecoibo saranaxubiwa tsane barapo pin mūthū deca xua ira bereca. Yawa bapon capona pecobetha penainto, po penainto xua pewūn cadena xua bichocono pin nainto.

² Barapo matatsunpin waetaba, pon be Joyoinya waetabatsi, pon po jomo xua poxonae copiya jiwī muxu jainyabatsi. Bapon apara caurimonaē pia pentacaponaein tatsi. Bapon icha wūn Satanás. Barapon Satanás maxū cūbiya waetabatsi cadenatha xua mil po weibe nexa.

³ Yawano barapon Satanás xorecatsi barapo pin mūthū deca. Bichocono yauxatatabobotatsi mūthūtha. Yaucateitabobotatsino bichocono, xua jopa equeicha pemuxujainyabeibiwa tsane xua jopa equeicha pemuxujainyabeibiwa tsainchi po irathepiwi xua beya poxonae abū yapu caewina

mil po weibe. Bapoxonae isanaxubinchi xua saya bara caeto tsane.

⁴ Bapoxonae tan xua pexeinya peenaethopeibiwana. Baxota ena pomonae xua bayatha catsibatsi peitorobi coyenewan xua jiwi peyabara paebiwa tsainchi daxita xua penatsicuentsiwa xua abe peexanaexae. Bapomonae pomonae xua bayatha wisi ucubobebatsi xua ichamonae namawainta, apara xua barapomonae peyabara cueicueijeixae Nacom Pejume Diwesi, xua peyabara cueicueijeixaeno po coyene xua Jesús pejume cowantsiwatsi. Barapomonae bayatha jopa wuna jainchiyo pon be Corei. Matautano jopa wuna jainchiyo barapo ibo Corei nacom. Matautano barapomonae jopa copatsiyo xua peitapa tinaewatsi tsainchi pon be Corei pia wantha tatsi ichacuitha xua pecobe juma tinaewatsi. Barapomonae tan xua equeicha asu exainchi. Barapomonae iru Cristo, nabaru caemonae xua barapomonaebe barapo cae pin nacuepiwi itorobiya ewatatsi xua cien po weibetha tsane.

⁵ Ichitha nama ichamonae pomonae xua caena bayatha werapa cataunxuae jopa asu exanaetsi. Barapomonae asu exanaeinchi beya abu poxonae yapu caewina mil po weibe. Barapo peasu coyenewa xua apara copiya nanta carucua xua copiya matha Nacom exana xua jiwi asu exaneibatsi petupaewa weya.

⁶ ¡Maisa bichocono juntu coyene weiweina pomonae equeicha Nacom asu exana petupae coyene weya po peasu coyenewa xua copiya! Barapomonae Nacom piamonae tatsi.

Barapomonae jopa werapae tsane poxonae equeicha jiwi caewa werapaena po jiwi jopa pejume cowantsiwi. Saya barapomonae exanaeinchi Nacom pia sacerdotemonaepiwi tatsi xua iru Cristo pia sacerdotepiwi tatsi. Matautano barapomonae nabaru caemonae xua barapomonae barapo cae pin nacuepiwi itorobiya ewatatsi mil po weibetha tsane.

Meje yabara poxonae caurimonae pia pentacaponaein tatsi xotsi

⁷ Poxonae yapu caewina mil po weibe bapoxonae barapo Satanás isanaxubinchi xua peponaewa tsane mathu weya.

⁸ Poxonae bara weya pona jiwi muxujainyabinchi nawita daxita nacuantha. Yawano muxujainyabinchi nawita Gog nacuamonaepiwi, iruno muxujainyabinchi nawita Magog nacuapiwi. Barapo Satanás cana exana xua barapo naxobe nacuapiwi penacaetutsiwa tsane pia soldadomonae tatsi xua penabinexa pomonaetha pomonae Nacom piamonae tatsi. Barapo naxobe nacuapiwi pomonae soldadomonaexae barapomonae bichocono pin bicheitonmonaein icha taetowa purun ichi xuan taetabotha bobena xuan acucu xua mar mentha bobena.

⁹ Barapo pin bicheiton pomonae soldadomonaexae, pana beiyiya daxita yaira jupa beya poxonae yacaincha matawacaicha umeinchi ichaxota Nacom piamonae tatsi jinompa, yawano xua po tomarapiwi Nacom jume cowantatsi. Ichitha bapoxonae Nacom pin isoto

itoroba deca peitaboco wereca, daxita barapo soldadomonaen taxuatsi omeicha.

¹⁰ Barapon Satanás, pon be Joyoinya, pon caurimonaē pia pentacaponaein tatsi, pon xua barapo soldadomonaen muxujainyabatsi, bapon Nacom xuba isoto pucuatha, po pucuatha ichaxota ataya tsitecaeya taxuncua xua bichocono aitareyapusu tsuncuae po peitare pewun azufre matawun. Barapo pucuatha caena bayatha xotsi pon be Corei iru pon xua naerabiya jeye: “Xan Nacom peitorobi jume tapaebin”, jei. Barapomonaē baxota bichocono atene tsaibi tsane, mataqueitha yawa merawithano tsaibi tsane xua bara ataya tsane.

Meje yabara po diwesi xua Nacom yabara paeba jiwi xua penatsicuentsiwa poxonaē eca pia pexeinya ecaethopeibiwatha, po pexeinya ecaethopeibiwa xua pemañyawa

¹¹ Bapoxonaē tan xua pexeinya peecaethopeibiwa xua pemañyawa. Muxuna tan xua pon eca barapo pexeinya peecaethopeibiwatha. Bapon peitabaratha tan ira xua po ire yawa itaboco, baxua daxita aichurubenaē, equeicha jopa naitatsiyo.

¹² Bapon Nacom peitabaratha tatsi umena pomonaē xua caena bayatha werapa xua pomonaē peacopeibi jiwi iruno pomonaē copei pexeinaē jiwi. Bapoxonaē diboron patapenta, yawano pataxuba po diborotha ba nacapanenebiya tsaibi pomonaē Nacom pia peantobewichi poxonaē wun tinadubatsi barapo diborotha. Pomonaē xua caena bayatha werapa daxita itawetatsi. Barapomonaē yabara cui jupiya

exanatsi be po coyeneya bayatha abe exana xua barapo diborotha pecui yabara tinaexaetsi xua poxonae barapomonae abe exana. Daxota barapomonae atene tsane.

¹³ Barichi pomonae iru pin mar mentha notatsi, barapomonae Nacomtha pata. Iru pomonae iratha bobena ira wejujuina xua Nacomtha pepatsinexa. Daxita barapomonae Nacom peitabaratha tatsi umena xua baxota peyabara paebinexatsi xua Nacom yabara paebina xua penatsicuentisiwa xua abe peexanaexae Nacomtha. Barapomonae atene exanaeinchi xua Nacom bayatha pecui yabara tinaexae po coyene xua abe exana.

¹⁴ Nacom cana exana po coyenewa xua jiwi tupa pecana exanaewatsi, xua barapo coyenewa isoto pucuatha xotsi xua nacaewita cana exanatsi. Barichi Nacom cana exana xua po nacua pomonae pewerapeibiwi pia nacua tatsi xua barapo nacua xotsi isoto pucuatha xua nacaewita cana exanatsi po pucuatha ichaxota ataya tsitecaeya taxuncua. Barapo petupae coyenewa apara xua jiwi caewa werapaena po jiwi jopa pejume cowantsiwi.

¹⁵ Iru ru pomonae xua jopa wun dubenaeyo barapo diborotha po diborotha ba jiwi napanenebiya tsaibi poxonae wun dubeibatsi, barapomonae iru barapo isoto pucuatha bebaichi, Nacom bebai.

21

Meje yabara po diwesi xua pena itaboco yawa xua pena ira

¹ Bapoxonae tan pena itaboco yawano pena irano, tsipei po itaboco copiya ducua yawa po ira copiya ducua aichurubenaе, equeicha jopa naitatsiyo. Yawano pin mar mene aichurucuae.

² Xan, pon Juan tsocuaein, tan Nacom pia pepa pexeinya tomara tatsi ichaxota jinompa pomonae peantobewichi Nacom. Barapo tomara pena Jerusalén tomara, po tomara Nacom pia xainya wetsica tatsi pona xua itaboco wetsica. Barapo tomara nacui xaxainchiya weta, icha yabayo ichi xua poxonae nacui xaxainchiya weta xua poxonae pecotsiwa peru nacoyobina.

³ Jume tan pejume xua peitaboco wetsica jume daunweya jeye: “Taema anoxuae Nacom popona pebiwitha. Nacom baru poponaena, bara barapomonae Nacom pijimonae tatsi tsane. Nacom ataya tsitecaeya baru poponaena barapomonae penacana exanaexae xua piamonae tatsi pia Nacom tatsi.

⁴ Barapomonae Nacom itacuere mene canotsina xua pewecoyeixae, xua barapomonae equeicha jopa peatenewa tsane. Equeicha jiwi jopa werapae tsane barapo petupae coyenewatha. Matautano jopa pewecoyeinexa tsane, tsipei xua xuan copiya exana po irathe bayatha aichurucuaeya nacaewita”, jei po jume xua itaboco wetsica paeba.

⁵ Bapon Nacom pon eca pia pexeinya peecaethopaewatha nejei: “Taema daxita exanan xua xuan penawan”, nejei Nacom. Equeicha nejei: “Baxuan tinare, tsipei barapo jumein pexainyei jumein, daxota ichamonae itacupatsi xua tana neyabara jume cowantsiwa xua bara

exanaein pocotsiwa xua taneme”, nejei Nacom.

⁶ Bapoxonae equeicha nejei: “Bara baxuan bayatha nacui weta. Xan ponxaein apara ataya tsitecaeya tapoponaein xua poxonae aena daxita tamropata pitaban. Matautano bexano ataya tsitecaeya bara tapoponaewa tsane. Po pebin xua bichocono meratsipa xua daxota bara amanaya mera neapatsiwa barapo coyenewa icha be ichin poxonae jiwi yawenan. Pon xua bejantꞫ coyene jichatsi xua ajantꞫcoyenyapusꞫ peexanaewatsi bara bapon amanaya catsin peajantꞫcoyenyapusꞫwa, po peajantꞫcoyenyapusꞫwa xua ataya tsiteca.

⁷ Pon xua jantꞫ coyene amanayaba caurimonae poxonae caurimonae bequein abe exana bapontha, bapon xeinaena pocotsiwa be pentoma pocotsiwa xua bayatha jantana jeban bapon. Barapon pia Nacom tatsin tsane yawa barapon apara bara taxanto tsane.

⁸ Ichitha pomonae pijunuwi jopa nejume cowantsiyo xua ichamonae abe peexanaewa tsane barapomonaetha irꞫꞫ pomonae jopa benejume cowantsiyo, irꞫꞫ pomonae peajantꞫcoyenebewi, irꞫꞫ pomonae jiwi pejutebiwi, irꞫꞫ pomonae xua penasi cui exanaewi xua peweaweinaewa, irꞫꞫ pomonae mara pexeinaewi irꞫꞫ pomonae wꞫnae pejainchiwi ibo nacom, irꞫno pomonae naerabiya pepaebiwi, daxita barapomonaebai tsainchi isoto pucuatha po pucuatha ichaxota ataya tsitecaeya taxuncua xua bichocono aitareyapusꞫ tsuncuae po peitare pewꞫn azufre matawꞫn. Barapo petꞫpae coyenewa apara xua poxonae

equeicha jiwí caewa werapaena pomonae pejume cowantsiwi”, jei Nacom pon eca pia pexeinya peecaethopaewatha.

Meje yabara po diwesi xua pena Jerusalén tomara

⁹ Bapoxonae matatsunpin patopa pon xua siete poyobe jiwana, po siete poyobe matatsunpiwi xua xeina coroton siete xoyobe xua wɨnba peabe cuiru coyenewan xua bara nama opi ducua pocotsiwa Nacom exanaena. Bapon nejei: “Anetha catsita itatsinchi Cordero pecotsiwa tatsi xua bara yatsicaya piowa tatsi”, jei matatsunpin.

¹⁰ Tananetsita itatsiwatha xua poxonae Nacom pia Pejumope tɨnaxɨ tatsi netsita itata bapoxonae matatsunpin necapona pin demxuwa beya po demxuwa xua bichocono taucha. Yawano baxotiya matatsunpin netsita itata Nacom pia pepa pexeinya tomara tatsi ichaxota jinompa pomonae peantobewichi Nacom. Barapo tomara pena Jerusalén tomara, po tomara Nacom pia xainya wetsica tatsi pona xua itaboco wetsica.

¹¹ Barapo tomara bichocono wɨnae xua pentha exanuncia Nacom pia pexeinya itɨpanae coicha tatsi, tsipei Nacom baxota popona. Barapo pepentha tsuncuae coichawa bichocono daedaena icha iboto ichi xua po iboto itɨpana po iboto ira bɨxɨpana iboto. Bara pocotsi itɨpanae iboto jaspe matawɨn, po iboto xua epa nasaba.

¹² Barapo Jerusalén tomara yacaincha matawacaichiya uncuatsi xua pocotsiwa be curara xua ɨ ibo xua bichocono amɨxɨbɨrɨtiyɨ xuano xua bichocono taucha. Yawano xeina doce po coibotobe. Daxita barapo coibotontha tsiniya umena

matatsunpiwi, xua be caein tsiniya. Barapo coibotontha tsitsiniya w_hn dudubenapoinya Israel pia pemomoxi susato bicheiton tatsi.

¹³ Mata_utano acoibi po coibotobe ducua ichaxota pocotsiwa xometo weecoina. Icha acoibi coibotobe ducua ichaxota pocotsiwa xometo bejopiya. Yawano epata_uta dena ainya acoibibe po coibotobe nantiya ducuabe.

¹⁴ Yawano barapo curaratha ira wetsina umena iboton. Barapo iboton doce po ibotonbe xua barapo ibotontha tsiniya w_hn dubena pew_hnxi xua doce poyobe pomonae Cordero pia peitorobi jiwi tatsi.

¹⁵ Barapo matatsunpin, po matatsunpin netsipaeba, bapon capatopa pocotsiwa xua pecacana_ubiwa xua be naewa xua oro nainto peepa cana_ubinexa tomara yawa pecoiboton yawa curara.

¹⁶ Tomara nantiya nam_ux_ub_ur_uu j_urabe xua apiya dena. Barapo matatsunpin epa can_ubarena barapo tomara dos mil doscientos po kilómetrobe xeina xua apiya dena yawa xua ta_ucha xua asiye-icha daxita baxuan nantiya naepa j_upa.

¹⁷ Baroxonae epa cana_uba curara m_ux_ub_ur_uu sesenta y cinco po metrobe xeina xua pem_ux_ub_ur_uu xua aitiy_u. Baxuan matatsunpin exana be jiwi pia pecana_ubiya coyenewa tatsi.

¹⁸ Curara iboton _u xuan pexeinya iboton, xua ira b_ux_ur_uana iboton xuan jaspe mataw_hn. Tomara acaba _u xuan pocotsiwan oro mataw_hn be xuan peepa nasabiwan.

¹⁹ Po iboton ira weumeina xua doce po ibotonbe, daxita mata pepena xua mata w_hnae

exana icha be iboton ichi pocotsi iboton ainya matoman. Po iboto copiya barapo iboto mata pepena xua jaspe iboton matawɛn. Po iboto ichaxota ba “dos”, jei, barapo iboto mata pepena xua zafiro ibo matawɛn. Po iboto ichaxota ba “tres”, jei, barapo iboto mata pepena ágata ibo matawɛn. Po iboto ichaxota ba “cuatro”, jei, barapo iboto mata pepena esmeralda ibo matawɛn.

²⁰ Po iboto ichaxota ba “cinco”, jei, barapo iboto mata pepena ónice ibo matawɛn. Po iboto ichaxota ba “seis”, jei, barapo iboto mata pepena cornalina ibo matawɛn. Po iboto ichaxota ba “siete”, jei, barapo iboto mata pepena crisólito ibo matawɛn. Po iboto ichaxota ba “ocho”, jei, barapo iboto mata pepena berilo ibo matawɛn. Po iboto ichaxota ba “nueve”, jei, barapo iboto mata pepena topacio ibo matawɛn. Po iboto ichaxota ba “diez”, jei, barapo iboto mata pepena crisoprasa ibo matawɛn. Po iboto ichaxota ba “once”, jei, barapo iboto mata pepena jacinto ibo matawɛn. Po iboto ichaxota ba “doce”, jei, barapo iboto mata pepena amatista ibo matawɛn.

²¹ Barapo doce po boupanbe exana ɛ xuan be perla matawɛn xua daxita barompaya peboupan tsiniya. Barapo pepa namto xua tomaratha exana ɛ pocotsiwa xua xuan be oro nainton xua xuan peepa nasabawan poxoru xua be pepa oro nainton.

²² Barapo tomaratha jopa taeinyo Nacom pin pia bo tatsi tsipei bara Nacom baxota pepopon-aexae po Nacom daxita pia peayapusɩ itorobi coyenewan xeina. Irɩɩ xua baxota pepopon-aexae Cordero daxota jopa nantawenonaeyo Na-

com pin pia bo tatsi.

²³ Barapo tomara jopa nantawenonaeyo xometo xua tomara pentha peexanaewa tsane yawano xua jomocoichatono, tsipei Nacom baxota popona peyacoicha jinaexae xua barompaya pia pexeinya pecoichaxae tatsi, xuano irꞑꞑꞑ xaina Cordero barapo coicha.

²⁴ Pomonae xua bayatha Nacom capanenebiya, barapomonae barapo coichatha ponaena barapo tomaratha po coicha Nacom pia coicha. Daxita pomonae jiwi itorobiya pia pepa peewatsiwichi barapomonae Nacom catsibinchi barapo tomaratha po coyene xua Nacom wꞑnae pejainchiwatsi po coyene xua tsita exanatsi xua bayatha jiwi tsita exana barapomonaetha.

²⁵ Peboupan jopa bapana coibo xatababanobi mataqueitha, xua baxota jopa ataya tsitecaeya pequirei tsaibi tsouneibixae.

²⁶ Daxita nacuanpiwi Nacom capona barapo tomaratha xua Nacom pecatsibiwa tsainchi pocotsiwan pewꞑnaewan xua be copei. Mataꞑꞑꞑano Nacom catatsi po coyene xua Nacom wꞑnae pejainchiwatsi.

²⁷ Ichitha xua xuan peabe coyenein bapana jopa patsi tsane barapo tomaratha. Mataꞑꞑꞑano jopa patsi tsane baxota pomonae abe peexanaewi irꞑꞑꞑ pomonae pemuxuitorobiwi. Saya meisa patsina baxota pomonae wꞑn dubena po diborotha ba jiwi nacapanenebiya tsaibi poxonae wꞑn dubeibatsi baxota, xua po diboro xaina Cordero.

22

¹ Nexata matatsunpin netsita ituta mene, po mene xua mene itarana, po mene xua jiwi axumeras_u exanatsi, xua icha Nacom ichi xua jiwi ajunt_ucoyenyapus_u exanatsi. Barapo mene bichocono mene itarana icha bosib_u ichi xua epa nasaba, baxua xua Nacom pia pexeinya peecaethopeibiwa werena pona, yawano xua Cordero pia pexeinya peecaethopeibiwa tatsi werena pona.

² Barapo mene, mene ducuaaponarena pepa namto dena tomaratha. Barapo mene dena nantiya ainya muxunene denabe naein xuwa xua po naein jiwi ajunt_ucoyenyapus_u exainchi. Barapo naein nacoiteiba doce po cuiyobe xua cae weitha. Daxita xometontha nawetouneiba. Barapo naein noxuton jiwi yawenatsi xua j_untema pejinompaewa xua jopa peatenewa.

³ Barapo tomaratha jopa xeinae tsane xua peabe coyenein. Barapo tomaratha uncuaena Nacom pia pexeinya peecaethopeibiwa tatsi ir_u baxota uncuaena Cordero pia pexeinya peecaethopeibiwa tatsi. Pomonae Nacom pia petanacuichiwichixaetsi barapo tomaratha barapomonae Nacom w_unae jainchinchí.

⁴ Barapoxonae jiwi Nacom itabara taeya cueicuei-jei tsainchi. Barapomonae peitapatha cainompaena Nacom pew_un tatsi.

⁵ Barapo tomaratha ataya tsitecaeya jopa quirei tsounae tsalbi tsane. Pomonae baxota jinompa jopa nantawenonae tsane pecoicha xua lámpara coicha xuano xua xometo coichano. Daxota jopa nantawenonaeyo tsipei Nacom pon jiwi Pecana-

mataxeinaein baxota popona, barompaya pia pecoicha peyacoicha jinaexae xua pia pepontha. Irꝯ pomonae baxota jinompa jiwi itorobiya ewatsinchi xua ataya tsitecaeya tsane.

Meje yabara po diwesi xua Jesucristo poxonae patopeicaena xua imoxoyo bara nama

⁶ Bapoxonae equeicha matatsunpin nejei: “Barapo jumein pexainyei jumein. Daxota ichamonae itacꝯpatsi xua tana neyabara jume cowꝯntsiwa xua bara exanaein pocotsiwa xua taneme. Pon jiwi Pecanamataxeinaein bapon Nacom itoroba pia Pejumope tꝯnaxꝯ tatsi xua jiwi peyawenaewa tsainchi xua poxonae jiwi cueicueije Nacom nexa. Yawano Nacom itoroba pia matatsunpin xua petsita itꝯtsinexa pomonae pia penacajume caitorobi diwesi tatsi petacueicueijeichiwichi xua barapo matatsunpin barapomonae yabara petsipaebinexatsi po coyene Nacom imoxoyo exanaenaba”, nejei.

⁷ Equeicha matatsunpin nejei xua saya Jesús tapaebatsi, jeye: “¡Bara nama imoxoyo patopeican! ¡Jꝯntꝯ coyene weiweinaena pon xua exana xuan pocotsiwan Nacom ichichipa xuan pocotsiwan paeba po diborothe!” jei barapo matatsunpin xua Jesús tapaebatsi.

⁸ Xan, pon Juan tsocuaein, tan daxita baxuan yawano jume tan. Poxonae bayatha jume tan, yawa xua bayatha tan xua pocotsiwan matatsunpin netsita itꝯta, bapoxonae bapon petaxutha irabe taeuncuarecan xua wꝯnae tajainchinexa bapon.

⁹ Ichitha bapon nejei: “¡Bara! Jopa baxua nexanaeinde. Apra xan ponxaein taexanaein Nacom piawa tatsi, icha xam ichim yawa icha pomonae jinya jiwimonaе ichi, pomonae Nacom peitorobi jume pepaebiwi, irano pomonae xua jume cowanta dubenanaebiya daxita po coyenein xua po diborothe tinan. Jame Nacom bapon wnae jainde”, nejei matatsunpin.

¹⁰ Yawano nejei: “Jopa moya yawan xeinaeinde Nacom Pejume Diwesi, xua xuan pocotsiwan paeba po diborothe. Tsipei imoxoyo nama Nacom exanaena xua pocotsiwan po diborothe pepaebixae.

¹¹ Poxonae cataunxuae Nacom jopa wetsiyo, pon xua abe peexanaein, bna moya bara abe exana ducuaanaebiya. Irna pon xua nanthna coyene xeina peacuirucoyenebewan, bna moya bara baxuan nanta xeina ducuaanaebiyaena. Ichitha pon wnae exana Nacom nexa, bna moya exana ducuaanaebiya. Pon xua Nacom petsita naexanaewatsi xua penthathna xeicaein penaexanaewa, bna moya bara Nacom jume cowanta ducuaanaebiyatsi”, nejei.

¹² Bapoxonae Jesús jeye: “Aa, bara nama imoxoyo patopeicaein. Capatopeicaein pocotsiwan be pentoman, xua caeintha barompaya piawan catsibin. Pon xua nawita inta exana xuya nawita catsin. Pon xua be conotha inta exana xuya be conotha catsin.

¹³ Xan ponxaein apra ataya tsitecaeya tapoponaein xua poxonae aena daxita tamropata pitaban. Matautano bexano daxita coyenein wetsin tsipei ataya tsitecaeya bara tapoponaewa tsane”,

jei Jesús.

¹⁴ Juntũ coyene weiweinaena pomonae najuntũ coyene cui barapenta peabe coyenewan. Baxuan be poxonae barapomonae pia paparuwan matanaca xua jopa tsoreiyo. Baropxonae barapomonae itacũpaeinchi xua jojoniyaena tomara coiboto iya tsipei pia paparuwan inyapana yawa juntũ coyene wũnae. Yawa barapomonae itacũpaeinchi xua tomaratha iya xaena po pethei pexaewa, po pethei jiwi ajuntũcoyenesũ exainchi.

¹⁵ Ichitha nama aisowatha xua tomara jumatha umenaena pomonae peajuntũcuirocoyenebewi irũrũ pomonae mara pexeinaewi. Yawano pesatotha umena pomonae penata siwa xeinaewi yabũxitha, irũno pomonae jiwi pejutewiwino, irũno pomonae ibo nacom wũnae pejainchiwi. Daxitano pomonae becui jichatsi xua naerabiya pepeabiwi xua naerabiya exanano, barapomonae pesatotha umenaena.

¹⁶ Equeicha Jesús nejei: “Xan, pon Jesús, itoroban tamatatsunpin xua daxita baxuan pepeabinexa pomonaetha pomonae pejume cowantsiwi. Xan bara yatsicaya David pia pemomoxi susato jiwi jiwana pin tatsin, pon David Israel nacuapiwi itorobiya pia pepa peewatsinchi tatsi. Icha be jarawato ichi poto xua bichocono wũnae xua poto baya ecoina poxonae icha matabi patopa, xan barichin. Patopan tacapatopaenexa jiwitha po coyene xua bichocono wũnae po coyene xua Nacom tsiexana, xua jiwi tsiexanatsi”, nejei Jesús.

17 Nacom pia Pejumope t̃nax̃ tatsi, ir̃ Cordero pia pecotsiwa tatsi, pomonae Nacom pia pejume cowantsiwichixaetsi, jeye Jesustha: “Anetha”, jei Nacom pia Pejumope t̃nax̃ tatsi ir̃ Cordero pia pecotsiwa tatsi. Pomonae xua ir̃ jume tane, jeye: “Anetha”, jei. “Xan Juan paeban pon xua meratsipa yawa beapaena, moya antha, b̃ apa po mera jiwi aj̃nt̃yap̃us̃ exainchi xua saya amanaya nexa”, jan.

18 Daxita pomonae xua jume tane barapo diwesi xua Nacom Pejume Diwesi xua barapo diborothe tinan barapomonae tsipaeban, meje baxue: Icha ich̃n mataropeicha paeba icha diwesi xua jopa xainyeyo xua po diwesithe, bapoxonae bapontha Nacom itorobina peabe coyenewan be pocotsi coyene cuirun yabara caunuta po diborothe.

19 Icha ich̃n jiwana jume wexuba xua po diborothe paeba, xuya Nacom pia diborothe w̃n xubina, po diborothe jiwi nacapanenebiya tsaibi poxonae w̃n dubeibatsi baxota. Yawano Nacom jopa copatsiyo xua bapon pepatopaewa Nacom pia pepa pexeinya tomaratha tatsi po tomara pena tomara ichaxota jinompa pomonae peantobewichi Nacom. Barapo pecapanenebiya coyenewa ir̃ barapo tomarano barapo diborothe yabara tina.

20 Jesús pon pia matatsunpin peitorobixae xua barapo matatsunpin yabara tana netsipaebiwa pocotsiwa xua bexa exanaena, bapon nejei: “Aa, bara nama imoxoyo patopeicaein”, jei.

Je, moya anetha patopeinca xam, Jesús, ponx-aem Tanecanamataxeinaem, jan.

21 Jesucristo, pon jiwi Pecanamataxeinaein, barabꞰ paca yawenaena pia painya nepaca caan-tobexae daxita paxam. Je bara ichi tsane.

Baja Juan.

Nacom Pejume Diwesi po diwesi pena jume diwesi xua Jesucristo yabara tinatsi New Testament in Cuiba

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cuiba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 29 Jan 2022
e9c4c3a0-6dec-54a4-aaba-fb395e5eddc7